



21916

III Mag. St. Dr.

Halkon 14

P

joanennu Collegii Societatis Triumphalis
solentur virtutis et appa

PANEG. et VITAE

Polon. Fol.

N^o. 663.

Biblioteka Jagiellońska



stdr0004673



TRIUMPHALIS
SOLEATÆ VIRTUTIS
APPIA.

Quâ

Illustrissimus Dominus

DN. VLADISLAVS
LOS

Palatinus Pomeraniæ,

Terrarum Prusiæ Thesaurarius, Skarszeviensis,
Pokryvnensis, Latovicensis &c. &c.
Capitaneus

Ad Trabeati Honoris Capitolum,

In frequentissimo meritorum comitatu,
Nobilibus desideriis, & affectibus,

DEDUCTVS EST.

Jam verò

Inter festivos Pomeraniæ applausus

Gratulatorio, Gedanensis Rozrazeviani Collegii
Societatis JESU, obsequio

Salutatus,

ANNO

Patefactæ, in Verbo Patris, Viæ.

M DC LXXXV.

A fundatione ejusdem Collegii Centesimo.

†.

Acti in P. B. Andreae Duxerpli Lactati 1685.

In laudem
Illustrissimæ LOSIORUM Soleæ.

Quodsi severæ mesfis adoreas
Et martialis, fulgura gloriæ
Est, qui requirat? stant rigentes
Hinc Soleæ, Soleisq; nixæ
Herent Sagittæ. &c.

P. Kanon. lib. I. Lyr. Od. 9.

Accede priscis, digna, Mecenatibus
Clari propago Stemmatis,
Divo, propinque, Sanguini Sanguis, pio
Cognata Kostæ Gloria.

Idem lib. Epod. Od. 13.



I.

Flectitur in pulchram, Soleatam Stemma, coronam,
Ut summus cingi possit honoris apex.

II.

Losfiniam, trabeatus honor festinat ad Aulam
Nam patet in Soleis, Appia Porta, tuis.

AD

Illustrissimum Dominum,

DN. VLADISLAVM
ŁOS,

Palatinum Pomeraniæ,

Terrarum Prusiæ Thesaurarium, Skarszeviensem
Pokryvnensem, Latovicensem &c. &c.

Capitaneum,

Dominum Dominum

&

Patronum Beneficentissimum.



*Soleat æ virtutis Appiam, premunt hodie
impressa Domûs Tuæ elogia. Senator Illustris-
sime. Si enim totum fortunæ robur, vetus Roma
in Polonos transfudit, dabit Arcem Capitolinam
Łossianæ Augustal Gloriæ, & quæ valvas in-
signit Solea, portam eriget triumphalem. Et jam
fortunatis passibus, Aulam Tuam ingressus es.
Princeps Honor Pomeraniæ, cui, pulchro præiverunt agmine coronato
Nobilitatis desideria, & quæ densis legionibus Tuum latus stipabant
merita, in serenum gloriæ comitatum cesserunt. Ultimo accurre
ex ordine, Gedanense Societatis JESU Collegium, & collata
Virtutibus Tuis, Dignitati, ab ipso promit pectore, amoris satellitium
Merentur hoc, affectus nostri pondus, Illustrissimæ Gentis Tuæ
Atria, quæ Dexterrimum in Vladislao, Zelozissimum in Ludo-
vico, Polplinensibus Infulis coronato, Societati nostræ, Protectores
dedere. Hinc postquam Tibi nuper aures, in Domestico litera-
rum Emporio, Tuis accepissemus elogiis, pupillam hodie postula-
mus, ut qui gestis, Sarmaticum serenas Orbem, Tuam vel oculi
radio illustres laudem. Probabit hunc, citra dubium, Gloriæ Tuæ
typum, Universi oculus Censor, & se facile ad Tui imitationem*

componet, ubi Heroica Losfiorum Ausa, ante sui sereni aciem proposuerit. Post colorem Purpuræ, sepia restabat atror, qui Illustrissimos Vladislai titulos, umbrâ suâ distingueret: nec tam prope damnaretur ad noctes, in accensam Palatini Honoris lucem, evocatus. Tardiori non diffiteor molimine Aulam Tuam, Oratorius subintrat labor, intra tamen gloriam, triumphatæ, Vobis magnitudinis. Gentilitia Losfiorum Penna perniciosior est in refectionis, quàm esse possit in elogiis, Oratoria. Verùm satis festinus est in obsequiis amor, qui solidissimus. Prævolârunt alii, quibus Tui Penna Stemmatibus panegyrim fudit; gradatim nos soleato tramite processimus, feliciores vel inde aliis, quia Tuis ex vestigio Solearum, vicini Plantis. Et sanè, grandia Illustrissimæ Personæ Tuæ decora, integerrimis adorari merentur seculis, monerique in horas debet dignitas, quanto Te Viro, sublimata sit! Hinc Trabeatæ majestatem Gloriæ dignè suis comprobavit affectibus Gedanense Collegium, postquam longo dierum mensiumque tractu, dignum suis Lechicisque applausibus, Pomeraniæ Palatinum prosequitur. Gratiæ Tuæ patrocinio, etiam nos ipsa supra vota auxisti, quid non ergo perennem Tibi gratæ mentis tesseram, ab ingenio in elogiis, à pectoribus in affectu, depromptam panderemus? Fervet Losfiani nominis in cordibus amor, & adhuc in dies crescet, donec ad omnem gustum nutriatur obsequiis, simulque fortunæ suæ auctario animum & pupillam nostram exsatiat. Habes pro Te, obsidem in Cælo, Beatum Stanislaum Kostka, Senator Illustrissime, qui suam Tuamque Soleam in pulcherrimos rotabit Lechici Regni usus, & militantem Sociorum JESU legionem ita excolet in ingeniis, ut vel pari cum sagitta Pennæ Tuæ velocitate, provolet in elogia, vel non dissono Soleæ Tuæ vestigio, solidissimis insistat affectibus & obsequiis.

Illustrissimo Nomini Tuo

Deditissimum ac Devotissimum

Gedanense Societatis JESU Collegium.

PANEGYRICUS

ILLUSTRISSIMAE DOMUS

LOSSINIAE

SArmaticos nondum rapiant vicina triumphos
Regna, nec in prædam vulgo *(cui mille per artes
Mille per innocua, placet ire incendia fama)*
Dividat ambitos; Lechiæ, citus orbis honores.
Omnis adhuc nos, fama penes. Nec robur avitum
Destituit pectus. Semper majoribus ardet
Imperium titulis. Redimitam lauribus Arcem
Undique conscendit numerosis, Gloria portis.
Quodsi strictus adhuc callis, quo; grandibus ausis
Procedat cumulatus honor? Spatiosa sub Armis
APPIA LOSSINIIS surgit, gravibusqve Curules
Condignas meritis; in præmia ducit ad Aulam.
Ergo Palatinis nuper decorate trophæis,
Majores specta titulos? quos, ampla, reductis
Postibus, adducet soleato tramite, Virtus.

Hunc nimirum Tu ILLUSTRISIME DOMINE
in orbatam, Palatino Pomeraniam redu-
xisti honorem, postquam nuper lubrico,
Bellonæ casu, in Tuorum, quos geris ho-
die, titulorum Antecessore, prostratum,
grandibus erexisti meritis. Apertâ Solea-
tæ Virtutis Appiâ, Domum Tuam, ingressus, lætiores,
fractis mœrore Civibus revexit vultum, & inducto, hume-
ris tuis, laticlavio, hilaravit pupillam, electro lacrymarum
offusam.

Scio equidem semper esse Honorem, Bellatorum co-
mitem: ubiq; latus coronat Principum, ne in solo capite,
imperium exerceat. Postquam tamen quandoq; alienos,
illustrat soles, sæpius, quod, domo extulit, extinguit Lu-
men. In accensis Majorum, Ceris ita plerumqve fastus ne-
potum ardet, ut acceptâ fortunâ in pabulum, ipsam, quæ,
A
superest,

supereſt, vitam aliquando abſumat, ſuo vero Principe, orbatus Honor, ſpernitur errabundus per Regna, nec facile veſtigat viam, quâ minor, Domino in Patriam redeat. Ferro, alii, hoſtilem invertunt terram, ne ſterilem, triumphorum meſſem colligant: educunt, otioſâ vaginâ, enſem, ut ſolam ex tabo hoſtium rubiginem imbibat: ipſi tamen quandoq; feralibus, petiti armis hebetantur, cùm ſua, in cervicibus æmulis, arma acuunt. Gemunt, triumphalibus, coronata, Laurubus, prælia quòd amiſſis Heroibus, ſolâ, redimitas, cupreſſo, victorias, expediant domum. Admiſſus, in ſuppeticas, præliorum, Honor, aut magnis, onuſtus victoriis, teſtem dexteritatis arenam extollit tumulis, aut ſui dimidiis in Patriam redit; huic unicæ felicitati ſuperſtes, quòd à morte Heróum, non mœrorem in veſte lugubri, ſed liberaliter propinatum, hoſti, ſanguinem circumferat in purpura. Nullus equidem glorioſiùs invenit vitam, quàm qui, illam, inter medios, præliorum triumphos amiſerit: nec ſolidiùs victoriam erexit, quàm ubi glandibus, ex tormento ejeſtis, ſubrutus occubuerit. Pulcherrimæ aſſurrexit gloriæ, cui inter virorum agmina, fortior Bellonæ impetus, inflexit ad caſum pedes. Ille tamen me arbitro, grandioribus triumphis perennat Hector, qui adverſantia, dexteritati ſuæ, fata, tardior in Achille reperit.

Auro nempè illorum ponderari deberet corpus (ſi ad vitam, reductum, mortalia etiam triumpharet fata) qui, natalem, Dardanii ſoli, libertatem, ipſo propugnant pectore. Cui verò, militaribus, enervato, præliis, ultimam, in vallorum foſſis, quietem, triumphales effodiunt gladii, hic, non Patriæ provolabit in obſequium, à qua, ultimum præſtolatur.

Tales nuper Heròas, in aquilis viderat, Amor boni publici, ubi ad totius Orbis ſecuritatem propugnandam, evocati, incenſum, furore Orientem, occaſu ſuo glorioſè ſuſcepto extinxerunt. His vel ipſis, mæniorum oculis, quos,

quos, hostilia efformarunt tormenta, Vindicias Christianæ libertatis, Polonam scilicet fortitudinem prospectabat VIENNA, & retardantibus, explosas glandes, pectoribus, murorum medebatur vulneribus. Explicatæ in Aquilis Cruces, desperatas, Austriæ evolvebant victorias, metuendas vel inde Orienti, quod à suo defecissent Constantino. Ubi nihilominus gentilitiæ in POTOCCIIS cadebant Cruces, in Viennensibus simul nutabant turribus. Pro-^{Victoriosi aliquorum in Hungariis occubitus.} niora ad casum, capita, quæ Augustis Mensibus, angusta nimis premebat obsidio, ipsis, sese, maniorum ruinis apparabant æquanda, ubi nec acutissimi Modrzeviorum Vomeres, fertilem in Pannonicis agris promittebant victoriam. Herbam, sese, fastuoso porrexisset hosti, ex timoris arbitrio, autumabat VIENNA, postquam uno prælio, terna in duobus Wielohorsciis lilia, messuerit fatum. Nolebat scilicet sine Patre florere filius, quin à casu Victorem, ætatis flore coronaret, ex cujus sanguine liliaceum accepit germen. Adhuc bene Orientis insolentiam reprimebat VIENNA, cum inter medios, legionum acervos, DONHOFFIANUM haberet APRUM, Musurmanicæ opponendum ferociæ. Ruebat ille per densissima catervarum nemora, & cristatas, tumiditatis arbores, radicitus ore gladii subruebat. Ita nimirum celer procurrebat in hostem, ut timidiores plerumque lepores in domestica antra assolent. Calcaribus, alii, frenis ille egebat, ne tam celeri victoriâ tardaret vitam. Sed frustra erat impetus, gentiliâ arcendus manu! caput erat positurus in acie, quod index manus apparabat. Concussa est, præ stupore Hungaria! cum tam ingens Bellator eaderet. Tremuerunt à metu, pedes Austriæ, cum Poloni Senatoris occideret Caput: & colorato, Palatinis Curulibus Danubio, suum eluebat infortunium, quod tam nobili, Polonorum dispendio, integritas Pannonici Regni sarciretur. Et jam credo poterat derelictus, effuso, Herois sanguine pallefcere miles; nisi fugientem à metu animam, sui pectoris, objectu, REGNATORUM SERENISSIMUS cohibuisset.

Nondum morte, Poloniam opprimamus fortitudinem. Uni, vulnus illatum, capiti, omnem à pectoribus non pel- lit Vitam. In Gradivi acie, semper plumbeis, permista glandibus volvuntur capita. Efficacius perimitur hostis, ad quem, capitis dirigitur globus. Quem in agone tra- hunt bellatores Spiritum, nobis, ultimis delegant tabulis, ut eorum, animati ignibus, accrescentia lunæ cornu à mol- liamus. Semper amicæ est umbris Cynthia, postquam modicas ad Parkanum induxit Poloniæ, totas in se reci- piet noctes. In virorum viriumque plenilunio, ad VIENNAM palluit, decrescat cum rubore ad Strigo- nium. Si Poloniæ Aquilæ, ipsum solem in pupillam transferunt, quid non Lunam minorem? quam suis ulu- latibus proscribunt noctuæ, dum spectant. VIEN- NENSIBUS præliis, attritus mucro habebit in Luna cotem, ad quam, majoribus Musurmanni exitiis acuetur. Lydius ferri Poloni lapis, probabit auream per attritum, in luna fortitudinem. Devexus est mucrone Lechico, Lunæ circulus, Poloniam certò coronabit virtutem.

Talibus accendebat monitis, frigidior in pectoribus Martem SERENISSIMUS. Ut autem grandius ab Exem- plo Personæ, robur, dictis adderet, fulmen veluti ab ac- censis, legionum nubibus, provolavit in hostes, & ad pri- ma triumphorum incendia, attonitum Orbem docuit, co- ronas etiam in prælia rotari posse. Nolebat quippè va- cuum, JOANNIS portasse nomen, ut ad sceptrum, Exteros, sic domesticos ad prælium præcucurrit. Coronato, in- vitatus, vestigio miles, eò pronius adoravit in Rege Du- cem, quò decus sis, Othomanicis capitibus: neq; enim aliud POTENTISSIMI REGIS plantas, pavementum addecet, quam fastuosis Turcarum verticibus stratum. Erecta est Musurmanni ruinâ, ad meliorem, antiquâ felicitatem AUSTRIA. Nam quæ olim turres Stephani, ex acceptis cum Solimanno induciis, Turcicâ Lunâ coronaverat, eam, alto, dejectam, culmine, Victoriosi Polonorum equis, cal-

calcandam jecit, ut saltu ejus devexo, veluti soleis ungu-
 las coronaret. Uberem triumphorum vindemiam sub
 Autumnum colligebat, quæ tamen plurimum ex Polo-
 nis Heroibus, bibit sanguinis. Inter sapos Liberi Patris
 utres, liberam gustabat Gentem, & in ipso triumphantis
 Bellonæ convivio, Sarmatico benè pota candore, didicit,
 quàm effuso in succursum, Nobilitatis sanguine, propinatum
 in doliis refuderit vinum, & pro nondum gustatis, temulen-
 tiæ vitibus, ebriam, Religionis amore, profudit vitam.
 Tumebat gemebunda tellus quamvis sub exigua Bellato-
 rum ruina, quòd jaceret

Lucanus

*aggere magno;
 Patritium, campis, commixta plebe cadaver.*

Et nobilissimo pudefactus cruore, murmurabat Da-
 nubius, quòd inter serviles Othomani exuvias, bajula
 libertatis corpora fluitassent. Rubuit non parumper
 Neptunus, quòd extra Balthidem, numerosius ostium in
 Poloniam non referasset, quo tam cara dexteritatis spo-
 lia ad tumulum gratæ Patriæ, inter Nympharum Syre-
 numque classica deportasset.

Sed enimverò, frustra lacrymarum profluvio adim-
 pletur Danubius? Nullus illo, abreptus Poloniæ Heros
 est! Nullus Honor absorptus! mæstum caput in uno de-
 posuit Phæbus, lætum deprompsit in alio. Sereniorum
 ab interitu producturus lucem, cruentis, illam, præliorum
 rubibus inclusit. Nempè non tam acris Musurmannico
 ensi, inducta acies, ut omnem SARMATICO Cælo abscinde-
 re splendorem posset. Quam, interpositæ lunæ, vicissi-
 tudo (si non hoc ipso, minor, quòd solibus lucem adi-
 mat, semper sibi per subjectionem) eclipsim, nostro in-
 duxit Zodiaco, eam, POTENTISSIMI JOANNIS manus, in
 reaccenso, paribus titulis, Successore vindicavit. Ocu-
 latus scilicet Argus, SERENISSIMI REGIS nostri coronat
 sceptrum, nam ubi dignos, præmiis, Bellatores advertit, ad
 eorum augustalia, dirigit indiga, magnorum Caputum diade-
 mata. Quamquam nec duci honor indiget, ubi viamin-
 sternunt merita, postes referat, clavis gladii.

*Amisfis
 roibus, si
 ftes Hon*

Honorum
erat Ap-
m, Virtus
at a.

Amplisfi-
Eosio-
Aula.

Hæc virtutis Appi deducebat, ad AULAM TUAM, de-
functos, Heroibus Viris titulos, SENATOR ILLUSTRIS-
SIME. Coronata, triumphis dignitas, illa debuit subintrâsse ady-
ta, quæ, martialium, amplitudini, tentoriorum, parem è
vestigio soleæ, capacitatem viarum ostiique referarent.
Quis verò, ille, ad Palatium LOSSINIANÆ GLORIÆ
tam arcto procescit calle? postquam supplex Pomera-
nia, in principe quantumvis titulorum comitatu, minor,
Tuis comparuit in penetralibus. Ne enim ad ingentium
meritorum magnitudinem, impar, justo, hospes salutare-
tur, orbatis, MODERZEVIO, Aquilis, ingressus sui, apparavit
magnificentiam: Majora sagi obsequia, in togæ præmio,
ad VLADISLAUM deferens, Antesignanum. Duorum vix
hæc benè in sinu prehendebantur officia, LOSSIANAM, de-
voluta ad manum, omnem sui amisere magnitudinem: &
jam suæ tenuitati induxerunt ruborem, quod ampliatam
meritis dexteram, exæquare non possent honorario. Au-
gusta equidem porta, Magnatum addecet penetralia, in
multorum tamen Adyta, tam arctus patet aditus, ut nec
tenuis quandoque honor, illuc possit penetrare. Et jam
sæpè tardiores, titulorum adventus querimur, quod ce-
lerium, neglectâ ambitione votorum, gratos, penetralibus
incolas, in semetipsis non introducant: cum tamen meri-
tis, nec reducta prostant ostia, nec virtutibus, instratum
iter est! ut tantorum remotione impedimentorum, suam
potius in rectefactis arripiant celsitudinem, quam rapiantur.
Paternarum sæpenumerò Cerarum commonstra-
mus vestigia, nec sententiam exploramus ex titulis: num
libenter divertant iis ad Aulas ignavorum Nepotum?
Scio equidem, rerum cursu edoctus, tenuissimâ quandoque
portulâ posse Gigantem affectum, tricubitales amicitiae
intrare gazas, pondus tamen æquale, non desumunt ho-
nores, ab affectu nimio. Majorem, ille sæpenumerò di-
gnitatem, quàm sit ipsa Domus, consanguineo impellit
motu, & cum solutis, aratro, bobus, ad præsepe, stationem
designat;

designat; jam assvetis, flagello, manibus, scipiones ingerit. jam attritam, humeris, lacernam, permutat in trabeas, jam amplissimam, honoris Regiam, intra vilem coarctat caulam, cogitq; magnum aspici, quem nec videre tenuem dignabatur Hesperus. Quodsi nec vestigium ostii, ad depressas, aliquorum gazas, fecere merita, tectis, injectat titulos, Amor, & inhabiles, honoribus domus, ultrò congestis gravat non coronat. Ad, Tuæ, verò dignitatis Regiam, SENATOR ILLUSTRISIME, ampliato, meritis, procedit Honor ostio. Quæ enim, in succursum Patriæ expedit obsequia, totis, Bellonæ legionibus proruebant in hostem, multoq;ve magis à reditu post innumeras cædes, & insultus repressos, innumeris, januam diducebant triumphis. Redeuntium à victoria nuper Heròum legio, turmatim Tuam, ingressa, Aulam, ut amissum ad VIEN-NAM Centurionem in VLADISLAO inveniret; daretq; clarum, Polono orbi, documentum, quàm ex DOMO ŁOS-SINIA, numerosus in obsequiis exercitus provolet Patriæ in subsidium. Decuteret hunc, tarditatis pulverem, si ad fatorum turbinem vel semel inspersus esset, Ala Gentilitia, cui nec sagittæ vulnera inhæsisissent, si Martis acies, pernicem in Cataphractorum humeris non vidisset. Pleriq;ve se, supra domus, aliorum efferunt, ut honorem non aliter, quàm bracteatum Tritonem, faventioribus Zephyris, sua infectant ad atria. TUAM verò; non semel generosis, obductam, postibus, supplex invenit dignitas, nec pulsanti, ad valvas dedisti aurem, quamvis soleatæ, vestigiis gloriæ, deducta, eandem cum meritis viciniam incolere voluisset. Quia nihilominus, nullibi commodior mansio, dignitatem excipit, quàm virtutum in frequentia, hinc non postibus tantum inferre diem voluit, verum etiam domesticum intra cælum, Palatinum accendere Solum. Consultò alii, minores gazas, Coronatis adjungunt Augustalibus, ut redeunt post virorum fata, honores, primis invitent excubiis, vel, si renuant ad tam fætidum

*Honor d
tra bono
rem.*

ambitionis conclave divertere, cogant illos, obtentis remanere privilegiis. Odit hanc, titulorum libidinem, Generosus LOSSIORUM animus, & avitâ, ILLUSTRISSIMÆ GENTIS SOLEA, fortiùs calcât illorum fastum, qui meritorum testudinem, amant alite superari honore. Parietibus inducunt alii, petita ab alis vulturum, peristromata, ut exspirantem in aliis dignitatem, velociùs ad rapinam præsentiant: LOSSIORUM in Palatiis, affixa est sagittis, ala, ne ad vacuum, Herodè titulum, concurrat pernix. Pennas, illa ad cursum expedit, ut ad ferenda vulnera prævolet alios, suisque cicatricibus, integritati publicæ medeatur.

Verùm ut regnare solus rogatus, sic modesta LOSSIORUM reluctatio, Palatinis meruit coronari laticlaviis. Non aliter se in eorum manus, Honor expedit, quàm ignavi ad bellum solent: eò enim fortiùs ab Aula repellitur, quò magis arduo pulsatur ambitu. Inducta, Gentili Alæ sagitta, militare, exhibet pupillæ, testimonium; quòd non semel illatum, Dignitati, contemptum, glorioso certamine vindicaret, & cum soleâ coronari non posset, Alæ suam, affixit celsitudinem. Nolebat tamen diuturnâ custodiâ, Nobilibus Armis præferri honor; per erectam, soleatæ virtutis portam, ad Aulæ penetralia intromissus est, majusque accepit à meritis, quàm attulit incrementum. Et jam se, credit fortunæ calcasse Appiam, ubi eam, quæ VLADISLAI deducit ad Atria, inquilinus adorat viam. Quippè tantis, illa, meritis strata est, ut ab ejus amplitudine, nec ex voto Civium, nec ex pretio folii, declinasse potuisset. Applaudit pennâ pro insignibus excubante, quòd amissum in DONHOFFIO Caput, intrâ circum, vestræ soleæ invenerit coronatum. Et verò post acceptum, in meridie PARKANENSI, occasum, quid non Orientem fortunam, DOMI VESTRÆ, speraret? ubi nullis, interruptam, ætatibus stationem, Virtus incolit. Amant nimirum hæc duo Numina, Aularum viciniam: ad honoris Augustal, aliud extra Templum virtutis,

tutis, non est ostium? Intrat ille securus, dignitatis, *Certissimum, ad honorem ostium.*
 Atrium, qui illud vocalibus pulsar rectefactis. Ad hoc
 scilicet Propylæum gloriæ, tua TE, rotabat solea, nec
 arcebat impetum, expedita in cursum ala, nisi quod sagittæ unco, retardabas ipse, volatum pennæ, ut in Templo
 virtutis, perennem stationem figeres, gloriosus, ambitionis triumphator: Et jam gratâ interceptus mansione, oblitus sanè Capacissimæ mentis tuæ fuisses, nisi meritorum injuriam, vindex dignitas, in ornato, laticlaviis animo castigasset. Hinc TIBI, ascensum facilem, ad honoris Classem, referavit modestia, ad cuius arduum, soleata, ingenium tuum promovebant obsequia. Nempè LOSSIORUM, soleæ (nam & hæc ab una eademqve incude, militaris gloriæ, originem cum Jastrzebiec accepit) terrarum submisit cacumina, Polonia Minor, dum ex monte *Solearum præsidio, depulsus hostis ex monte Crucis.*
 Crucis, abacto hoste, Crucem illi in bellorum auspiciadetulisset. Planè per ipsos mihi protunc Cælos incesnisse videtur solea, quod ibi hostem oppresisset, ubi via ad Cælum brevior, ubi nulla ex Olympo ad Olympum distantia: Quin & uberrimum ebullisse fontem non ambigo, qui triumphali, excussus vestigio, dulciorem reproduxit Aganippidem, nec jam musas inermes, sed Polonam fortitudinem, præliaribus incendiis æstuantem refrigeravit. Vix enim cæperat copiosis scatere sudoribus, vix torrentes sanguinis, ab acceptis vulneribus, deducere, bibit protunc abundantius Musurmānus ignominiam, Polonus Civis gloriam, malorum Lethen, Exercitus Victor, terrarum fortunæqve ubertatem, Patria, tot exculta gladiis, tot cruentis imbribus irrigata.

Stetit ergo in rupibus sine casu solea, unde munitum *Alludens ad rupes, prædicti montis.*
 galeis caput cespitavit in hostibus; & ne læsas, vulneribus plantas asperior coronaret petra, tam procul illas à lapsu posuit, quam propius admovit Cælo, ut ab alto montium, toti clariùs paterent orbi. Viam olim vestigasse colubæ, super rupes, non potuit Salomon, ut in animis condemnâ-

demnaret vafritiem, quæ, solidissima meritorum vestigia
semper atterit ex præceptis invidiæ, ne ulla fraudum in-
ternoscatur semita. Aliorum verò, tam exile est virtutis
pondus, ut paternæ quantumvis glebæ, nulla rectefacto-
rum soliditas imprimatur, cui, passu non dissimili, insistat
olim posteritas. Vestram PROCERES ILLUSTRISSIMI ro-
tus, benè virtutem, ex Solea vestigat Orbis, quæ non in
molli vitiorum cæno, sed in arduis obsequiorum rupibus
profundissimè exaratur. Vix alios, crederemus vixisse,
nisi fidem, oculi aut linguæ hominum mererentur. Et
quamvis ipsas nubes, celsioribus æquabant titulis, in ma-
gna nihilominus dignitatum celsitudine, tam misere de-
creverunt, ut nec pulverem sui, in copia reliquissent, ex
quo, tantæ magnitudinis vestigia collegissemus. Arde-
bant equidem titularum splendoribus, accensæ Majo-
rum ceræ, extra tamen longum pupillarum fulgorem:
Ita enim valido, fatorum Spiritu extinctæ sunt? ut nec fu-
mum dedissent, quo mærorem à pectoribus, lacrymas
extorsissent ob oculis. Hanc scilicet oblivionem sui, me-
tuisse debebat, nullam à soleis, soliditatem deducens ho-
nor, sub quo Gigante toties gemebat virtus Pumilio, nec
tam dignitatem sustentabant merita, quam ineptam po-
tius titularum libidinem patiebatur dignitas. Ceris, alii,
non rupibus, imprimunt meritorum imagines, ut citius ad
maiores trabearum exortus, liquefiant, ne primis etiam,
virtutum lineamentis (si illa aliquando inducta sunt)
derelictis. Ille, ille! mihi, corrodam, nullis tempe-
statibus, faciem dignitatis serenat, qui, eam, solidissimis,
rectefactorum insculpit rupibus. A meritis accipiant
pondus tituli, & in altis pectoribus, ceu petrarum tabu-
lis, indelebilem exarabunt amorem: Et ne unquam vitio-
rum dumetis herbescat Appia, excolenda, gloriosis pas-
sibus, posthumorum demandetur imitationi.

*Brevis ex
longitudine
titulorum,
memoria.*

Trabeatam, quisquis soleam (nam & hic color Sena-
torio adhæret ferro) LOSSINIÆ inspiciet GENTIS, gran-
dem

dem virtutis inferet, vel ex ipso nitore, operositatem, Soli, æmulis, effulget radiis, nam in via præliantis Patriæ, continuis sine damno atteritur passibus. Quamvis enim aliqui, valvis, sua appendunt arma, quò faciliùs recurrentium pupillarum solertia, geminatos in illis, ceu speculis honores videat; LOSSIORUM tamen soleam, Bellonæ expolit pavementum, nec aliter ex Regum moderamine, Palatio Honoris appenditur, quàm meritorum in vicinia, ex quorum speculo, tantus refringitur in arma fulgor. Quin geminatum se toties Honor, gratulatus est Regno, cum in Cryſtallo LOSSINIANÆ SOLEÆ reciperetur. Dignum sanè adamantinos super postes, anathema refigi, cui, quoties marmoribus rupes asperabant plantam, toties ad honoris Augustallæ vigabatur. Alta nimis, protunc dexteritatis exarabat elogia, cùm petrarum in ardua cluctando, hosti cladem gladio, marmoribus victoriam, incidere uncis. Benè hosticum detrivit robur, cuius fortitudini, nec saxorum durities obstitit: planè in limpidum dexteritatis speculum, operoso limabatur studio, & victoriis, excitati pulveres, sudoris cruorisq; imbribus tergebantur. Tardiores non ambigo numerari quorundam passus, ut celerior castigatio assequatur ignaviam; sed enim verò intra laudabilem, LOSSIANÆ SOLEÆ imitationem, cuius Honor vestigia numerat, ut insistas fortunatiùs; & jam sibi gloriosos formare videtur gressus, quòd suæ magnitudini, non dissimiles meritorum semitæ cor respondeant. Hinc PALATINUM POMERANIÆ, cum orbatis, Centurione aquilis, VESTRAM introduxit in AULAM, ut Civiles erudiret animos; tantundem sine præliorum studio, dignitatem, quantum sine Duce, valere, in arena militem. Nempe & honor requirit pabulum; Extra Bellonæ manipulum, nihil, illi Sapidius. Totum robur amittit, si nullo pascitur, dexteritatis bellicæ obsonio. Igneam æmulatur naturam, quæ citò deperit, nisi fomentum ex rebus colligat. Profluens intra loricam imber, ut in prælia accendit mi-

*Operositas
Lossiana
le.*

*Pabulum
honoris,
manipulus
bellonæ.*

litem, sic auget honoris flammam, sanè, opimum, ille, pabulum, intra TUAM invenit AULAM. SENATOR ILLUSTRIS-
SIME. Ut enim, omnibus, Personam tuam circumferres ad gustum, numerosas, obsequiis, mensas PÆOCENSIS DAPIFER instravisti. Ita scilicet demandatas, pro Comitibus, functiones, exactissimâ condiebas solertiâ, ut totius Nobilitatis expleres famem, acueres simul, tui, ad novas Legationes, desideria. Sed inter hæc, sapidissimæ dexteritatis tuæ, convivium, maximè arrisit gustui, Bellonæ manipulus, ex Ukrainensibus nuper & Chotimensibus campis, Musurmanico, rigatis tabo, victricibus VLADISLAI armis collectus. Habet equidem Honor dapes alibi, at in tanta meritorum ceu parvitate, ceu vilitate; ut ex rubore oculos, palatum ex nausea, cogatur ultrò avertere. Quin & pupillam quandoq; dolor Honori cruit, quòd eorum mensæ assideat, quorum, vacuas obsequiis Domus, nec ipso licuit serenasse aspectu. LOSSINIAM supplex petiit intromitti ad Aulam, ex qua, omnis in exilium proscripta est, ignavorum malignitas. Et verò, si illud nonnisi, pupillam honesti lædit, quod ruborem inducit vultui, frustra erat palpebram reducturus ab arce, intra cujus atrium, numerosæ decertabant virtutes, quænam, radiis coronari densioribus, quæ, sceptri palmam, ex suffragio dignitatis deberet. Amat pulchros, meritorum colores LOSSIORUM PROPAGO, citra tamen eorum sortem, qui ut lucem dignitatum colligant, coloratam plerumque illis, virtutem objiciunt. Tam enim illa procul à virtutum fuco, quam vicina maculis, solis Regia. Ut pictos, in Personis non vult circumferre Honorios, sic fictorum repellit meritorum satellitia. Imo umbras etiam honor induit, quoties LOSSIANI COELI ascendit Zodiacum, ut enim solem, radius, sic ille comitatur merita. Vix sarmatico illuxere horologio, extunc aureas, fortunæ horas accenderunt; nec ita suis peramica Augustalibus, ut alienas etiam non deducantur per domus; dispel-

dispellunt, cum horis umbras, ne pupillam offendant vitis. Eruerit sanè quispiam honori oculos, quòd indignas sæpenumerò illustret domus, ad eorum verò ne utquam pertingat aulas, quorum merita palpare posset, si non velox ad præmia Amor, porrigeret manum: adhuc benè amissum reperiret serenum, intra ARCEM LOSSIANAM, ubi suppleant merita, pupillæ vicem, & sub umbras letales, cum sole nunquam deturbantur. Ne tamen radiorum coronam, dignitati detraham, ultrò illi, serenam appingo cidarim, quæ ad CrySTALLUM meritorum, refracta, augeat suam magnitudinem. Vix illa se LOSSIORUM penetralibus ampliari cœperat, vix radiorum terebris, per obductas, generoso contemptu, fenestras, parabat aditum, vix importunus Hospes subintraret conclave, majorem subito accepit lucem, quàm intulit. Nam dispositæ per armarium galeæ, loricæ per subsellia, per paxillos gladii, alterum propè solem, in Atriis accenderunt, & lævigati, supra cervices hostium acinaces, Bellonæ radii, coronabant solis Regiam. Rubuit non parumper tra-bea, quòd à cruento Bellonæ sipario, clariorem accendi vidisset muricem. Unde non mirum est, PROCERES ILLUSTRISSIMI cur repulsus ab Aula Vestra Honor, ubertim fleverit; Indignus enim toties, generosâ pupillâ judicatus est, quem inspiciunt aliqui, vix non usq; ad amissionem oculorum. Illos, precaria Astra saturent, quos ingens domi, esuries titulum vexat. Augere vos eligitis decora, non accipere, eò magis contenti luce propriâ, quò alienæ avari minùs. Quia verò fomento Honor indiget, facileq; absumptis Majorum Ceris extinguitur, nisi novas apponat posteritas; hinc numerosis, eum, virtutum pabulis nutritis, actâ in ludibrium eorum arrogantia, qui cereum, quem unum habent, super currum triumphalem devehunt, & cum inæqualibus accendunt titulis, extinguunt. Arsit Majestas Cerea, sed quia una, unis absumpta incendiis. Inopes annorum alii, ultra robur vir-

D

tutis

*Armorum
nitor, accen-
dit titulos.*

*Ex majorum
Ceris,
breve fomen-
tum honoris.*

tutis accendunt Solem, ut publicæ privatæq; fortunæ incendiis, Phætonem renouent : violentis pupillam perstringunt fulgoribus, ne præter, tumidæ mentis ærem illustratum, vacuum, meritis advertant domum. Grandibus VOS attemperatis virtutibus lucem, ut non minùs, illustrem, honoribus Aulam, quàm tantorum capacem siderum ostendatis. Coguntur quidem tituli, tam angustæ quandoque inservire virtuti, ut ejus reposita, intra unius retinæ angustias, tenuitate, vix habeant, quod ferant, nedum illustrent. LOSSIORUM in AULA habent grandia, quæ coronent objecta, habent ausa insolita, ad quæ, ultrò stupeant. cùm non sufficiant. Quin & radiis careret Honor, totidem, si, quamvis virtutem, ex ordine coronare ambiret. Parum est SENATOR ILLUSTRISIME, Omnes, etiam, in circum, colligeret, titulorum splendor POLONIA, unum, benè vix posset animum, ad decorem nominis serenare. Audet tamen Orbatus, Heroibus nuper, in PANNONIA prostratis, TUAM festinare ad AULAM, postquam illi, soleata, AJLÆ TUÆ Virtus, amplissimam referavit Appiam.

*Vicina, soli
li Virtus soleata.*

Scio Cosròem, immensam Cæli molem, artificioso inclusisse Crystallo, quasi Regiam dignitatem, non aliud deceret palatium, quàm Deorum. Palatino LOSSIORUM Honori, non primùm hodie, grandibus erectum meritis, Cælum est! Nec illi, sua deest claritas, ubi solis officium, implet Solea. Et verò semper vicina est Soli, Virtus soleata? Ultro illi rotunditatem induxit artificium, quò velociùs per interceptum, avitis insignibus Zodiacum volveretur. Nec radiis orbatus est orbis soleæ? pulchram, illi appendunt comam, illustres tituli, & prorumpentes ex limpido, virtutis fonte, rivuli, decoro sinu circumdant caput. Vix enim, primum suū exortum, ex alto, sanguinis Erythræo extulit, Musurmannicam subitò incendit Lunam, ut extingueret; & depulsis, extra Thulen noctibus, diem, prominentibus gladiatorum radiis,

Sarmati-

Sarmatico accendit cælo. Hinc Martem inter & Lunam, medius, **LOSSINIUM** Solem intercipit motus, non ambiguum, Polono Orbi documentum, tam vicinam esse, **SOLEATAM DOMUM**, Lunæ Turcicæ, quàm bellorum motibus: præsto habet ad manus, prælia, quæ tumorem Cynthiæ, à fortunæ plenilunio cœerceant. Imo celsiorem, Marti concessit domum, ut in amicas, Lunæ noctuas erumperet, per sua Atria. Quia verò non ita in Martis Domo, præliaribus assvescit classicis, ne svaves etiam addiscat motus, hinc disertæ, Mercurii Regiæ, affinem fecit Domum Soleæ, Oris gratiâ. Quorum enim ore, Regia perorabat Majestas, aut **LOSSIA**, processerunt ab **AULA**, aut ejus viciniam, torrente Sanguinis inundârunt. Vix directus ex throno radius, referabat facundiam, & subitò ad clavem auream, aurum promebant Memnones; ne autem solo, peroraret lingua silentio, sæpe Regio coronabatur annulo, ut, quæ antè periodicos volvebat ambitus, abhinc etiam rotaret aureos. Postquam penicillum Apelli, Lysippo Cælum accepit Macedo, **VOBIS** linguam accepisse voluit, ut, quæ Regiam pro decoro, mentem proloquitur, solis Regibus in occluso rotulo aservetur. Gentilitia, **DOMUS VESTRÆ** penna, benè humeris Mercurii quadrat. Rariora, numeravit Polonus Civis, Comitia, ad quæ, cum vestris nuntiis, non provolaret. Acuebat sagittâ calamos, ut armata Reipublicæ exararet consilia. Assvetam, ferro, dexteram caducæo gravabat, ex cujus moderante ictu, in plausum vestræ prudentiæ, ibant Nobilium vota.

Posita in excubiis **SOLEÆ VESTRÆ** penna, vivæ mihi transcripsit memoriæ, **ILLUSTRISSIMUM JOANNEM LOS**, *Illustratus Joannes Los, Capitaneus Samogitiæ.* **CAPITANEUM SAMOGITIÆ**, magnum, ex ipso nomine, Civem Patriæ, parem Maximis, ex subsellio Senatorem. Sudat ille depictus in marmore, & permista legibus protocolla, post fata etiam, Senatorio insternit capiti: quasi extrà librorum cervicalia, nullibi esset Heroibus viris,

ſomnus dulcior, pro quorum immunitate, caput etiam po-
ſuiſſe paratos, Mauſolea teſtantur. Unam, illi, manum,
ducalis inarmat clava, alteram ſublimat ſcipio, depictas,
illa ſuper vexillis, cohortes, in aciem expedit, hic, longo,
trabeatæ legionis, tractui, anteambulo, ducit agmen ad
prælia rationum. Celſum eſt utriusq; manûs officium!
Sed non minûs gloriæ, ponderoſa Majeſtas. Ita enim
Senatoribus, ad votorum Concordiam, ita Regibus ad
Thronum reverentiæ, ita Nuntiis ad Conſiliorum effi-
caciâ, ſcipionum clavarumqve claves, pandunt oſtium,
ut ſimul LOSSIANO NOMINI præeant, præludentqve.

*Illustrisſi-
ſſe, Palati-
ſſenitor.* Ad eandem deliberantis Mercurii, domum, Chelmen-
ſibus deducitur aquilis, ILLUSTRISſIMUS, PALATINI GE-
NITOR, Aquilino, Vir dignus calamo, quòd Polonum ali-
tem, eò, ſuâ efferret pennâ, quo Regum optima colli-
mabant deſideria, vix ille docta explicabat oracula, cen-
turias ſemper nuntiorum transferebat in mentem. Sub
ſignis Chelmenſibus, ubiq; ille inſignis, Maximus tamen
in Signo Diſerti Numinis. Saturniam, ſe, protunc æta-
tem vixiſſe autumabat Prusſia, cùm è Domo LOSSIORUM
haberet Vexilliferum, aureos, quantumviſin Bellonæ con-
to, manipulos deportantem. Fruſtra illum, ſepulchra-
li cinere inſpergit Mortalitas? excubat ſupra ſoleam pen-
na, quæ obliſioſos decutiat pulveres; & proſcriptâ è
Domo mortis, quiete, meliorem in cæleſti Urſa ſtatio-
nem aſſignet. Scilicet nec ſua Arctos deſerit Regalem
Prusſiam; accendit ſuum, vel in umbris Parentalibus Ve-
xilliferum. Niveus, URSÆ CHELMENSIS color, cando-
rem LOSSIORUM explicabat in aquilis, & ad magna ho-
norum inſignia Candidatos ferebat. Virebat ejus fortu-
næ robur, inter arbores, cui vigorem dabant inſperſæ, ta-
bo hoſtili, manus. Ferebatur appenſum haſtæ, ferox
animal, quòd non ſemel in hoſte Cataphractus antè con-
fodit LOSSIUS; Ventorum, agitat ſuſurrus, murmura-
bat in Labaro Urſus, ſimulqve ſuo vexillifero occinebat
pæana,

pæana, nisi, quod ita semper in hostem vibrabat telum;
 ut nec ad murmura haberet spiritum; quo victorem ani-
 mum conquereretur. Arietibus, muros & impetus di-
 ruerunt alii, **LOSSINII**, Urfis etiam quatiebant; nam & ha-
 starum spiculis adaptabantur, ut, mænia diruerent
 onusti ferro, cum auro posset asellus Macedonicus. Chel-
 mensium viror arborum, vestræ debuit destinari **DA-**
BROVÆ, quæ in pulchra, Lechici Regni insignia, in diser-
 tissima, vocalium animorum Oracula, extra Dodonæi Jo-
 vis nemora succrescebat. Ex ejus nimirum omni ligno
 non Martis duntaxat tela, verum ipsa terrarum Numina
 potuerunt formari.

Credebat olim Jovem, religiosa Pietatis augustalia,
 incoluisse pervetusta superstitio, quod tam amplæ vir-
 tutis celsitudinem, nemo sanctiùs obtinuisse poterat,
 quam Deorum summus. Verum fracta hæc, Gigan-
 tum adhuc assultibus, fabularum commenta! intra tamen
 veritatem soleæ. Quis non enim affinem Jovi, magnis
 scilicet pietate & zelo Numinibus Aulam vestram asse-
 ret! cui, ipsis cum Cælitibus maxima vicinia est. Unum
 Vobis **SENATOR ILLUSTRIS** cum **B. STANISLAO** *Kostkarni*
KOSTKA, stemma est, Una generis celsitudo! in Cælis, ille *et Lossinorum*
 Protectorem exhibet, Vos in terris, **Poloniæ Conservato-** *idem flos*
res in Vobis agitis. Gloriosa nimirum sunt, soleæ Vestræ ve- *ma.*
 stigia; postquam omnem meritum viam, fortunato sem-
 per calcârunt passu, etiam hæc pressere Appiam, quæ
 ad Cælos deducit, ne sine Beatorum confortio perenna-
 retis. Habetis domi obsidem **JOVEM OLYMPICUM**, qui
 suam vestramq; soleam in pulcherrimos rotabit Lechici
 Regni usus. Quodsi

- - - Jovis incipiam causas aperire Feretri.

Primus dabit syllabum, **ILLUSTRIS** **NICOLAUS** *illustris*
LOS PALATINUS **PODLACHIÆ**, qui ereptas, profligato *mus Nico-*
 schismati, manubias, ad Capitolium Quirinalis gloriæ, *laus Los, Pa-*
 triumphator detulit. Mutilatæ, schismaticorum hydræ, *latinus Pod-*
lachia.
 E Roma-

Romanum, in gladio aptabat caput, & inductam, mucroni hebetudinem, Romuleâ petrâ depellebat. Rudes ille non semel boves, fertilem scilicet acephalorum proterviam svavi junxit aratrò, ut Romanæ sedem fidei, sanctior Romulus conderet in Podlachia, bonis avibus. Contra blasphemos Crucifixi, Princeps illi victoria obtigit, ut qui Gentilitiis toties triumphabat in Crucibus, in ipso tandem Victor evaderet crucifixo. Ne inductam meritis purpuram adoraret cum aliis, Patientis DEI trabeam in mentem transtulit, ne plus Aulæ, decoris daret, quam animo. Otiosi Domi suæ nolebat cruces, postquam audacem linguam compresserunt soleâ, seipsas tandem hosti minarentur. Dignum sanè Olympo ausum! humani generis Redemptorem, vindicibus armis redemisse, & distorta in pugnam orâ, zelante pugno obturâsse. Cælo ipsi, non ambigo insculpebat tam præclarum facinus, cælum Immortalitatis, & pro magnis Pientissimi Zeli impensis, pretium seculi reponebat. Inducebatur cedente ultrò marmore, DEus supra Cruces gentilitias, ut in stemma excusus, majus AULÆ LOSSINÆ, Religionis pondus imprimeret. Verùm frustra erat solearum ferro, PATIENTIS DEI, inducendum insigne? Præfuleo, pridem est efformatum in auro, totiesq; sacrum mordebat pallium, quoties è collo, pendulum, Catholicæ pietatis ardorem, Patriæq; amorem obsignabat in pectore. Vix è Sacro latice ebulliit Magni nomen Præfulis, profuditq;

Illustrissimus ac Reverendissimus Stanislaus Episcopus Samogitiæ. STANISLAUS EPISCOPUS SAMOGITIÆ, extunc infulis, coronatum assumpsit animum, quò faciliùs, discerptam, Schismatibus, Diæcesim, ad unum caput reduxisset. Asperum magis vellus, quam aureum induxit humeris, ut vel hoc ariete pulsarentur præcordia, quantus, ovium in officio, vigil esse deberet Pastor. Insomne reddebat caput, cornutus apex infulæ, fortiusque mollis hic, lanæ stimulus excitabat ad ausâ animum, quam olim Themistoclem, ferrea Milciadis trophæa. Ex virtutum præscripto,

scripto, ita sanctioribus vitæ studiis impendebat, ut, quod pudorem inferret purpuræ; nihil præter purpuram superesset. Rubuit illa non parumper super humeros, quod ingentia Antistitis merita, tam angustis titulorum coloribus depinxisset. Et verò aliquoties magnanimo repudiata Spiritu, muricem cogeatur in vultu retulisse ab Aula, donec Regum studia, pro ornandis, STANISLAO, Curulibus conclusissent. Scilicet nullum, ille volebat induxisse colorem virtutibus, quod ex suo candore, sereniùs fulgeant, quàm super illas, accensus murex, Illustres tituli, nunquam sine umbrarum, confinio ardent. Augent, seipsis, lucem, ut in fumi satellitio extingatur citiùs: Nec ita diem accendit sidus, ut pedissequam non attrahat noctem. Nihil tamen, dignitatum Nubibus, Antistes debet, qui ad primos, titulorum exortus. Illustrissimus apparuisset, si tumori magis, quàm modestiæ consulisset.

HEREDI, Polonæ Gloriæ STANISLAO, Regium succedit nomen LUDOVICI ALEXANDRI EOS, ABBATIS POLPLINENSIS, Cui, parum fuerat, Macedonico insigniri vocamine: affudit Ludovicum etiam cunis ejus, Sequana, ne ex sacris laticibus prodiret aliter, quàm ad Coronas, infulasq; Candidatus. Postquam in fasciis exæquaret immensas Alexandri victorias, plenis manibus caperet Galliarum lilia: floridis tantisper asvescerent ferculis, donec florum post præludia, BERNARDUS pedum porrigeret. Adstabat Sacro fonti, patrina Hospitalitas, & veluti infusorum, Spiritûs Sancti donorum, particeps, felicissima depromebat auguria, Regum TIBI Majestas in nomen cesserat, coronatum scilicet Polono Orbi testimonium, quàm ad usus solii processeris Infans, & solutis Adæ vinculis, intricata expedire negotia, ipso vagitu promiseris ad plausum Tuo nomini. Nec spem excepit eventus ludibrio. Vix enim Supplevit ætatem maturitas morum extunc intermistæ, Commissionibus Legationes, contentiosis, Tuam mentem requirebant desideriis, quasi non ad Regum

*Perillustr.
Reverendissimus Ludovicus Alexander Polplinensis.*

*uccensis, à
ono Com-
tarius.*

*Encomia-
ejus, Pœ-
smithius.*

*Pro labo-
bus in præ-
lia, labores
cipit.*

gloriam, absolvendæ, si dexterrimâ ALEXANDRI manu arcerentur : nam & manuum dignitas, pondus addit negotiis. PUCENSIS COMMISSIO adhuc hodie suos triumphos continuat, quod ad votum SERENISSIMI, ad amorem populi, ad plausus LUDOVICI, ad ipsius deniq; æquitatem negotii, peracta sit : ut jam planè meliorem Commissarium, nec invenisse Aula potuerit, nec optasse. Distinebatur protunc Pomeranis Apollo lyris, & absoluto, prudentissimæ functionis tuæ, numero, doctioribus applausit pedibus. Magni mensuram Nominis, Smithiano tantisper implevit metro, donec vastissimæ capacitatis verticem, altiores infulæ metirentur : nisi quod ad tantam dignitatis amplitudinem, ita profectum virtutibus Caput geras, ut nec Mitræ decorem habeant, quem ex sua apponant celsitudine. Planè ad fortunæ sphæram, conceditum, animo, agitabas negotium : ita enim ad Aulæ desideria, exactissimo rotabatur moderamine, ut nec diuturnis usibus, probatæ superesset prudentiæ ingenium, ex quo, similem gloriosius functionem obiret. Admovebas dexteritatem operi, & concita, ad rumorem magni nominis, nobilitas, plausum TIBI canebat, quod in ipso Commissionis exordio, felicissimum, ex ipsa acceptione præsentiret epilogum. Nec infra votorum omina. Adhuc enim felicibus, instratâ, successibus, viâ, ad eventum rotabatur negotium, & jam LUDOVICI cum elogio, Serenissima pulsabat Atria. Præsentabat activum Caput, in pupillæ solatium, & rarioribus, cumulatam, gratiis intra petitus Regium recondebat. Pro magnis, meritorum impensis, parem, omnibus titulis, habilitatem deduxisti in præmia, & nisi alienis verticibus distinerentur infulæ, certò dignam, Pontificiâ Majestate virtutem coronarent. Quanquam protunc etiam coronatum revexisti laborem, postquam expeditæ ad normam gloriæ, functioni, novus iterum labor in gratias cesstit. Nempè maximum est, ILLUSTRISSIMÆ PROSAPIE VESTRÆ honorarium, quod munio-
rum

rum magnitudini ubiqvè supparem circumferat dextertatem. Non angustum requirit animum, Majestas Augustissima. Cui suam dignitatem concedit, solertiæ comprobatur amplitudinem. Ex minorum, ille, Astrorum syl-
labo, quem exiguus, solis coronat radius : at verò, in quem, sui vultus dignitatem transfert, dignam Regum sereno enutrit mentem.

Unus TU, ANTISTES REVERENDISSIME, ex tot Ora-
toribus occurristi Cyneas, qui; Poloni Personam Pyrrhi,
ex virtutis celsitudine Legatus induceres. Primam,

*Iterum
ad maxim.
Prussia Co
mitia, Ro
gius à thron.
Legatus.*

TIBI, functionis aciem, Generalia Prusiæ referarunt Co-
mitia, quia in alto Genere, nulla virtutum brevia sustine-
bas. Vastissimum LUDOVICI animum, ternis, initiò, Pa-

latinatibus excepit functio: neque enim poterat dignio-
rem in Regno gravitatem habuisse Nobilitas, in qua,
Regiam, Majestatem, præter Tuam gloriosius adoraret.

Nempè magnis olim in Patrum Curia, titulis, maxima re-
sponderunt initia. Benè poterit Senatorem agere, qui
intra gloriam, Regum Personas sustinet. Ex Generali,

Comitiorum suffragio ad totius Poloniæ Universitatem,
gradum TUA promovebit LEGATIO, ut, qui Regum de-
sideria, felicissimis coronas successibus, Regnorum etiam

integritatem, dexterrimâ actione stabilias. Et jam pri-
dem TIBI magnorum prodroma titulorum obsequia,
Pontificium detulissent ad manus, pedum, si illo magis,

quàm meritis DOMUM TUAM fulcire voluisses. Oderas
nempè, eorum indolenti; qui præcoci molimine, ad
honorum fastigia eluctantur, & inter inopinos, fortunæ

*Odit præco-
ces titulos.*

plausus, nimis citò evanescunt. Sensim alii nolunt cre-
scere, ut affectato honori, velocius sine sensu decrescant.

Et jam Solem induunt, supra ætatis merita cum Phæ-
tonte, ut accenso fortunæ Cælo, avidum splendoris no-
men extinguant, & in ipso titulorum incendio, umbras

inveniant ignominia. Immaturam eminendi cupidita-
tem, ultrieibus sæpè castigant flammis, cum renitente æta-

tis cursu, siccitatem meritorum, accendunt titulis, jaciuntq;
Patrium in flammam Orbem, suum in fumos Nomen.
Quadrupedantem alium exercet tellus in Bulla Cata-
phractum, et jam per immensum gloriæ Oceanum, cum
Icaro volitat: Patriis format sibi ex ceris alas, eluctatur
ad solem solii audaci nisu, interim cerea ambitio in ca-
sum flectitur, procidit ex tumescente aëre immaturitas,
& vel suo in pudore mergitur, vel in profusis amicorum
lacrymis. Altas arbores in plerisque crescere videas;
quæ vel ideò nubibus, proceritatem inferunt, ut plus nu-
cum inanium progenerent: Undique titulorum frondes
ampliant, ut prætereuntium castigentur flagellis.
Robustiora in mille usus robora, lento passu succrescunt,
& decerpta sub Autumnum bellaria, sapidiorem, gustui
maturitatem apponunt. Temulentiorum lupulum, a-
lii, aut rusticanas in cucurbitis æmulantur delicias, indu-
unt sepibus, foliorum peristromata, ut non Patriæ, bello-
rum incendiis æstuanti, refrigerium, sed præ nimio titulo-
rum ambitu, fervescenti animo, extollant topiarium.
TIBI, verò ABBA REVERENDISSIME, ad lancem merito-
rum, ponderanti honorem, ille velocior ad Curules, pas-
sus videtur, qui in Continuo LOSSIANÆ GLORIÆ, mul-
tas numerat morulas, antequam admittatur. Indoles
eorum infortunio, qui in ipso ambitionis cursu, solam
ducunt, in præmia lassitudinem. Hinc ILLUSTRISSIMÆ
AULÆ TUÆ fortunam, testudinum provehis jugalibus,
& ne provolet ex armis Ala, celeritatem affixisti tardi-
tati. Sed frustra TUAM ad titulos cunctationem, ra-
tionibus coerces modestiæ? Solidiora eriget virtuti, tro-
phæa dignitas, cum qua tantis verecundiæ passibus præ-
liaris. Hinc expedita in laudem penna, vel inde TU-
AM probitatem sublimat, quòd ad ignem gloriosi pudor-
is toties exusta sit, ne TECUM super ardua titulorum
evolaret. Noveras TU, è modestiæ magisterio, famæ
etiam LOSSIANI NOMINIS depectere pennam, ut graviori
ad

ad honorem passu, ignavorum veluti gressuum è numero
 procederet. Illud maximum, probæ laudis argumen-
 tum ducebas, si nec ab Alto fortunæ despiceres mino-
 res clivos, nec aliter agitari pectus sineres, quàm ad do-
 cti, moderamen arbitrii. Procul TE, ab eorum syllabo,
 nobilissimum removit Genus, qui, fortunæ altitudinem,
 laboriosis cum Sisyphe, conatibus appetunt, nec ad ca-
 sum, dolendi advertunt conaminis, quàm ad ima infortu-
 nii, recidendum animo, cui gradum insternunt demerita,
 & inhabilem, gerendæ dignitati verticem, sola promovet
 ad cacumina titulorum, improbitas. Capacem lucis quan-
 tumvis animum, frustra admovent solis folio, qui nec latum
 per obsequia moverunt pedem, Astra veluti immobilia. In-
 tra arctum pupillæ angulum coguntur claudi, qui ultra
 corporis magnitudinem, domesticis enutritam cupediis,
 solam à foco lucem merentur transferre in animos.
 In umbris nolunt alii, sepelire nomen cum Herostrato,
 hinc templorum per dispendia, Sacris, illud, Dianæ ac-
 cendunt Ceris, jamq; ominosos Cometas circumferunt,
 ut injecto, Spectatori terrore, citò tristem ad occasum ar-
 deant, nunquam hilariùs exoriturus, Pridem TU PRÆSES
 RELIGIOSISSIME, radiantem in Sarmatico Cœlo, Virtutem
 TUAM, amicissimæ terris Lunæ, calcata, Armis tuis
 ejus inconstantia, adæquasti, ut à primo, INDOLIS TUÆ
 exortu, per Aulæ Orbisq; partes cresceres, donec ad
 honorum venires plenilunium. Et quamvis merita fe-
 rebas in auge, ne tamen simul omnia, fortunæ lucem vi-
 derent, vibratos ultrò titulorum radios, ad suum mo-
 destiæ removebas. Sed frustra imponis frena Piròen-
 tis Eòiq; Jugalibus? In amplo meritorum curru, deve-
 hent ad AULÆ TUÆ Capitolium, Honoris solem. Fru-
 stra fortunæ orbitam, ab alto culmine throni, properan-
 tem, cuncta bunda còercet virtus? referatis in obsequio,
 postibus TUAM supplex devolvetur ad ARCEM. Et
 jam pridem apud MAGNUM JOANNEM ALEXANDER cre-
 visset,

*Gloria
 honorum
 contempto*

visset, si dignos homines vestiganti honori, tuâ meritâ non subtraxisset modestia: in laboribus mori pro Patria non honorari præeligens. Religiosas incurristi ultrò ex astu Pietatis umbras, ne ad accensam in pectore torquem, in manu Crucem, Mitras in capite, luceres orbi. sed frustra es? ABBA REVERENDISSIME: Omnia evanescent desideria in lucrum animæ ponderosius; Ex illustribus CLARÆ VALLIS specubus, ad sereniore dignitatum prodibis clivos. Et jam dictis subscripsit veritas. Vix enim nuper Legatus à throno pro Comitibus, Principem oris tui facundiam referâsti, Tuorum subito elogiorum materiem secundam à laudato folio, Nobilitati dedisti. Ad honoris ascensum, plures Tibi calculos, libertas Nuntiorum collegit, quàm Tu syllabas in Regia detulisti epistola. Communibus undiq; certabatur suffragiis, ut postquam Regiam pro comitibus attuleris, pro Tui etiam ad infulas evectione, nobilium acciperes instructionem. Nec sibilis Aquilonum credentur voces tanti ponderis, ubi magnorum copia meritorum, justum in JOANNE SERENISSIMO ponderatorem reperit.

Coronatam Regali functione Prudentiam, ad Præseleam transtulisti Provinciam ABBA REVERENDISSIME, priusque Antistitem gessisti ex officio, quam ex titulis. Tempestivo Pontificatus exercitio, purpuræ aptabas humeros & obsequiis implebas Infulam, donec efferres capitis celsitudine. VLADISLAVIENSIS MITRÆ DELEGATUM, maritimo excepit sinu POMERANIA, & commotos ab heterodoxa Balthide in navem Petri, fluctus subito ad severiorem, vultus tui majestatem composuit. Profanato Religionis templo, à tuis primùm oculis, tum deinde reducto Deo, ab exilio ignominie, serenitatem reacendisti. Uberrimè plorabat Cœli oculus, cùm dejectis spectaret tectis, nulla unquam Balthide eluendam, Divinæ Domus solitudinem? & ne longioribus lacrymarum fluentis, pupillam offunderet, Abbatialem tantisper Mitram,

Religiosis
ibris ma-
accen-
neur titu-

Profana-
m ab hete-
doxa collu-
ie, Tem-
tum recon-
liat.

mitram, deturbati in locum tecti concessisti Ecclesiæ, eò
 minaciorem Tritoni hæretico, quò sacratiora ejus cornua,
 tridenti opposueris. Expalluit, stupente insanientium
 populorum colluvie, Dantiscana pravitas, cum in Monte
 Carmelo, totus ab ardenti Zelo ignesceres, Patriarcham
 æmulatus Eliam: & intra Daniam Angliamq; vel ipsius
 Phari ignibus; eliminatâ perfidiâ, extinctam in Catholicis
 Religionem, ardore tui pectoris reaccenderes. Patriis
 assuetus crucibus, Patientem etiam Deum, affectabas tu-
 lisse, nisi heròicis ausibus, castigata rebellio, pœnam sibi
 in illis, triumphum, LUDOVICO erexisset. Ad tam ar-
 duam functionem pro DEO, timuisse poterant non pa-
 rumper alii, ne per suæ subtractionem vitæ, Martyrum
 multiplicaretur numerus: TU verò PRÆSUL EMERI-
 TISSIME è totis viscerum penetralibus æstuabas, ut pro vin-
 diciis, conculcatæ in Sacra synaxi DEITATIS, pro ultrici-
 bus flammis, devastatæ ad opprobrium Catholicæ fidei,
 ecclesiæ, zelantem animum vel nondum benè extincto,
 malevolentia rogo imponeret Prussia, vel alterum in
 LUDOVICO ADALBERTUM, purpuratum ab effuso sangui-
 ne, martyrem transmitteret cælo. Contumeliis ad nau-
 seam usq; saturam Religionem, evocasti ad CÆNAM
 DOMINI, ut illius prandii, quod, insipidus Aetholicorum
 furor condiverat, ad magni Alexandri mensam oblivisce-
 retur. Nefastus an nefandus dies? ex iterata DEI MA-
 XIMI, in Catholicis elade, fastus tibi surrexit. Ubienini
 compressos hæreticæ pravitatis fastus, sepulchro ignomi-
 niæ, zelantibus minis intulisti ad triumphalem cum Chri-
 sto vitam, reductus est Catholicorum spiritus. Post fe-
 rales elegos, lætum omnibus cecinisti pœana, & sub pom-
 pam prodeuntis è monumento, VICTORIS DEI, non ca-
 sum ampliùs sed ascensum, reductæ ad vitam fidei, polli-
 cebaris.

Reducta ex vallibus ignominia ad elatum, sanctitate
 Carmelum, Religione Romanâ, ad Virginea festinasti

montana, ut post flammam Eliæ, ad ignes etiam Vestales, illustrior extitisset LUDOVICI Prudentia. Ardebat VIRTUS TUA equidem non ad Perillustres duntaxat Infularum cereos; sed ad pænè innumeras majorum ceras.

*Commis-
sarius Moni-
cium Vi-
sitor.*

DIVÆ Tibi nihilominus BRIGITTÆ commissum cælum est, ut vel TUÆ probitatis serenitas, ad alienos etiam probaretur fulgores; vel, si quod Astrum, minùs lucis haberet, TE Intelligentiâ virtutis soli admooveretur. Diuturnâ eruditus prudentiâ sciebas quandoqve sidera, paternis maternisq; ceris intra arrogantiae ardere cælos, & pro mentis sereno, plus fumi nutrire Deo: hinc fatuos, extincturus cometas (nisi illos ad Cymmerias damnâsset umbras, tenacissima semper instituti probitas) ex POLPLINENSIS BERNARDI VALLE, festinus ades, ex qua meliùs quid ex se possint lumina ad ipsum noscuntur solem. Ex virtutis ordine, industrius VISITATOR versabas Ordinem, & quia nullibi extra Religionis orbitam processerat, ideo ex tuæ circo soleæ, ad sanctiorem non egebat reduci sphæram. Ne pudori virgineo suum deesset sertum, pulchrè crinibus, TE COMMISSARIO, quadrabat solea. Neque enim ita chalybem, equorum insternit ungulis, ut in aurum, refusa coronare non possit virtutum capita. Datis omnibus in orbem gloriæ, ad Polplinenses iterum volvebatur usus, & quæ nimis celeri rotatione, deferebat pectora, ad similia desideria Visitatorum incitavit.

*Alluditur
ad Mestvien-
sum Princi-
pum funda-
tionem.*

Porrecti, olympo muri Polplinenses, tantum sibi alterum, accrevisse videbantur altitudinis, cum celsissimo LUDOVICI Genere, erectæ sint. MESTVIENSES TIARÆ, ultrò sortem mutandam exposcebant cum infulis, ut meritissimo Abbatis capite, adimplerentur. Ruit pedum in amplexus manuum, & Cruces soleæ, Archipræsuleis præluserunt Crucibus. Riserunt præ gaudio in basilicis deaurata altaria, quòd Gentilitiâ LUDOVICI pennâ, ad nitorem redderentur & elegantiam. Postquam scilicet alterius fortè seculi decussit pulveres,
aurum

aurum etiam fudisse cœpit, ut depictam in sacro apparatu gloriam, vocalissimus non ingratae memoriae chorus occineret.

Niveus, Religiosæ vestis color bene LOSSIUM contexit animum, in quo, suæ perennitatis Augustal, avitus Polonorum candor fabricavit: nec eumaliter Sarmatico proposuit orbi, quam ex hujus argento velleris, Candidatum ad majores infulas. Nec plenus spei ambigo, quin astra votis subscribent, fortuna annuet. Nam qui toties Præsulum adimpleres officia, quid non impleas eorundem titulos? PRINCIPUM MESTVINIORUM purpura, Senatoriis præludit trabeis: & auroram accendit muricis, ut quamprimum ante VALLES BERNARDI, ante valvas LUDOVICI, Pontificiæ dignitatis Titan exoriatur. Excubat penna super soleam, quæ ALEXANDRI merita, ut MESTVINIO porrexerit GRYPHI, ita hujus ex confortio, deferret super Regni Aquilas.

Ita nimirum ILLUSTRISSIMAM LOSSIUM PROPAGINEM, supremo per infulas Numini in sole soleæ, proximatam adorat Orbis: at nec Martis Domui, abstracta est! Oderint Astra quamvis alia, conjunctionem cum Marte, in DOMO LOSSINIA perpetuum agit incolam. Ut olim Amazonibus, ne deesset bellandi auctoritas in successibus, fortius usurpatum à Marte Genus, quam sagittas in hostem jactitabant, sic dexterrimæ LOSSIUM propagini, extra Domum Martiam non alia proles nascitur. Parum habent PROCERES ILLUSTRISSIMI, si solum ensen rotet in hostem manus: omnibus, illum conficit è Vulcani officina, prodeuntibus ferramentis. Levioribus assefacta, gladiis, à malleo etiam accepit pondus, quod in hostium conterendam detorsit fortitudinem. Tanti nimirum erat roboris, manus NOBILISSIMI AD KRZYWONOGAM MAZOWII, nam quem, totus ex ordine miles, nec movisse poterat, illa, quò altius extulit, eò pressius septuaginta hostium contrivit capita. Totus protunc exercitus hostilis præliandi vincendiq; projecit animum, cum

Incolit Domum Martiam, Virtus soleata.

Varsavicus in sua historia.

occurberet dejectus in malleo: nec **LOSSIANA** progenitus in domo. Heros stetit firmitus, quam ejus casibus Frustra coeperat nutasse Territorium, quamvis grandibus tormentorum machinis, ad ruinas concussus: nec cadere, nec cespitare poterat, ad Krzywonogam Sarmatia, cui in fulcrum cessat **Lossinii** columna mallei: extunc **HEROES POTENTISSIMI**, ad celsum, militaris gloriæ Capitolium, recto tramite procesistis, ubi tantum ditioris in præmia meritorum accepistis, quantum spatii ad Krzywonogam, victorioso circuitu decurristis. Vitiosus, credo, hosti fuerat ille circulus, at **VESTRÆ GLORIÆ**, stipendiarius! Acto enim hoste in vertiginem, pulchrè ductis in coronam possessionibus, sarmaticam coronastis victoriam.

*Graves,
stibus & in
malleo gla-
Lossinii.*

Postquam effinxit soleam, ad exaranda super calvarias hostium, dexteritatis vestræ elogia procescit malleus, nisi quod Epitaphium ignominiae, maluisset pallori ossium incidisse stylo ferreo. Finxerit sanè fabulosa antiquitas, ad fortem Vulcani ictum, Palladem è Jovis cerebro prodiisse; Polonus è **DOMO LOSSINIA**, Heros, pulcherrimam ex capitibus hostium, victoriam, militari produxit malleo, ut jam planè fortunæ, alii, etiam ille triumphorum faber fuerit. Velocià ad eripiendam laurum, capita, malleo ad interitum coronare decuit. Si defuissent Lechiæ in promptu gladii, ex hostium galeis, loriscq; cudisse illos potuit, postquam fortiora, cassidibus capita, in pulverem concusserit, in sudorem contuderit. Frustra hostis tumidus, munitam galeis frontem opponebat pro muris, præsto erat vibrandus in malleo aries, qui tam fragile, induratorum quantumvis bello capitum, dirueret propugnaculum. Sensit victoriis, asæveta manas; doluerunt Capita! quam unius Poloni dextera, numerosis etiam Capitibus hostium, potentior sit! & de malleis hebetibus, acrem super jugulos exacuat enssem. Hic nimirum vobis, **PROCERES INVICTISSIMI**, Regni insignia,

signia procudit malleus, ex quo permistæ scipionibus
clavæ, curvaturæ Crucibus, aquilis annuli, veluti ex for-
tunæ Cornucopiis in Aulam Vestram procident.

Verùm ab ense mallei, ad martialem iterum redea-
mus soleam, quæ non indecoro sordida pulvere, decur-
rebat olympia, æternantis Gloriæ. Hærent adhuc ad
GRINVALDIUM, soleatæ virtutis vestigia, ubi post effusos,
LOSSIANI cruoris imbres, aurea palmarum laurumq; suc-
crevit meslis. Ne sola galea, STANISLAI LOS emeritum
caput coronaret, pedibus etiam suo casu Patriam erigenti-
bus, à soleis corona venit: ita enim Martiali Spiritu, dire-
ctam sagittis mortem exceperat, ut non alia probatis-
simæ dexteritatis indicia relinqueret, quàm soleis coro-
nata. Adhuc Carpatiis percussa montibus fama, vo-
calissimum nomen resonat Inviçtissimi Poloniarum
Ducis PRYBISLAI LOS, quod eò longiori in orbem tra-
ctu, Sarmaticam tranquillitatem promoveret, quò
generosius vitam, fremitibus reboantium tormento-
rum objecisset. Sepulchralibus eluctatur ab antris fa-
ma, cui ad præsidium celsitudinis, advolant ex loricis pen-
næ, nullo unquam tegendæ pulvere apud gratam poste-
ritatē: nec invidiosa seculorum manu, avellentur tho-
raci, cui vel hostilibus aptabantur telis, vel effuso sangvi-
ne accrescebant. Quod olim Caput sepelivit in galea,
post ruiham attollit, tot coronis auctius, quot dejectis
jugulo capitibus. Nam & auri pretium, diadema ex-
cedit, hostilibus intertextum verticibus. Lustrabat ille
Bellator hosticum, & nunquam vaginæ gladium impo-
suit siceum. Post expressas, adversæ potentiæ nubes,
post effusos infidi cruoris imbres, optatam pacis publicæ
colorabat iridem, oriundis verò ē DOMO LOSSINIA He-
roibus, triumphalem super æthere arcum erigebat.

Sed in fluxo aëre frustra quærimus solidissimas præ-
liorum Coronas? Gentilitia LOSSIORUM solea, arcum in
se triumphorum adornat.

Stanislaus
Los, Hero
ad Grinval-
dium Invi-
ctissimus.

Prybislai
Los, supre-
mus Exerci-
tuum Regni
Dux.

Trium-
phalis in so-
lea, Arcus.

*Illustris-
mus Vladis-
laus Los Pa-
stinus Po-
etania.*

Recreâsti pupillam anteaetæ ætatis, SENATOR ILLU-
STRISIME, cum extorto, superbis de cervicibus tabo, peren-
natis annalibus, VLADISLAI nomen inscriberes, & ho-
stilibus procellis emerſæ Patriæ, in prodromam sereni-
tatis iridem, erigeres soleam. Coronabas manum gla-
dio, at cervices hostium; soleato premebas jugo? nisi
quòd, tam caro monili, barbari indignissimi, bobus & equis
deteriores, ab ipsis jugum tulere hastis. Ibat sub illas ar-
rogantia, & effossa cuspidibus viscera, tingente TIBI sa-
gum tabo, effundebat. Reptabas per scuta puer, &
adoleſcentem cum ætate manum aptabas telis. Quid
non porrectus, viribus & viris, expedires ab arcu soleæ
in hostem jacula? Inducta Pennæ TUÆ sagitta, lucu-
lentum fortitudinis argumentum exhibet, quantum ausu
IMPERTERRITO, retortas in tuum pectus arundines exci-
piebas; dignus planè Sarmatico Cœlo inferri LOSSINÆ
GENTIS Arciteriens. Per fraudes cum Lescho alii ad
rapiendam, TU ad conservandam Lechici Regni coro-
nam ruebas per opertos Turcicis cuspidibus agros;
nec rosis stratam sed mucronibus, integer vitæ vulne-
risq; purus ex soleatæ virtutis præsidio calcabas Appi-
am. Ardebat Civili bello, vicina CLARO MONTI acies,
magis tamen ex præſentia TUÆ SOLEÆ. Lugubrium,
calcavit illa, odiorum fulgura, & suppressis pulverum
sulphurumq; nubibus ad concordiam animorum instar
solis refulſit. Iniquissimis efferre prætensionibus, simul-
tates nolebas cum aliis, ne carissimam Patriam in civibus
deprimeres: quidquid erat privatæ Aulæ à successibus,
calcandum infra soleam projecit virtus. Habebas ma-
nus equidem sub tam fervidum Bellonæ tempus, ne la-
benti Lechiæ subtraheres fulcrum; ubi tamen frater-
nam cladem arma reposcebant, sine manibus TE vidit
Amor Patriæ. Ad latus ferebas gladium, in pectore
amorem Civium, & ne tuum in Polonis sanguinem effun-
deres, intra vaginam TIBI gladium, annulo obſignavit
Pietas;

*Pacatisſi-
mus sub Ci-
vili bello, in-
gritatis Af-
fector.*

Pietas. Recidisti loricæ pennas, ne carissimæ Mâtris
 in perniciem, TECUM Cataphracto provolarent. Elatam
 conto dexteram in columnam NON PLUS UL-
 TRA, litigiosis ponebas castris; *ne rupto federe pacis, in com-*
mune nefas suaq; viscera desævirent. Inhærebat frater-
 no sanguini coronato magis, quam calcato, solea;
 nusquam tamen, tuâ manu, effuso; hinc colorem
 purpuræ quantumvis victoriosæ, irruentem sibi recepisse
 noluit, ne cum illo pudorem, tam insolentis triumphi,
 apud posteros induisset. Infensa legionibus tuis, pecto-
 ra obducebas loricæ ferro, ut sub memori pietatis cly-
 peo, Cives in hostibus conservares. Nolebas super pe-
 ctora, exarâsse triumphos, quibus letalem sepiam mini-
 strabat profusus Nobilium sanguis. Æternitatis elogio,
 dignum gerebas animum, hinc fraternis super ossibus non
 hastæ calamo, inscribendum. Coronata, ultrò TIBI, A-
 quila submisit pennam, Majestas è Throno dexteram,
 quæ probatissimæ pietatis, triumphos super arcum so-
 leæ incideret. Regiis inscripta characteribus ultra Pa-
 triosolvebatur limites, & profundæ enconiorum cæ-
 laturæ, Musurmannicum bibebant tabum, quò facilius
 æternitati, LOSSINIUM recuderetur nomen. Non semel
 palluit ad auream soleæ Tuxæ dexteritatem Luna Tur-
 cica, cum epotum bene pressa, sanguinem, copiosis im-
 bribus refunderet. Tam nimirum fortiter, post absor-
 ptas Imperiorum fortunas, tumentem calcabat Cynthia,
 ut LOSSINIAM ultrò refingi vellet in SOLEAM, nisi fa-
 stus Mahometis obstaret, qui VESTRIS CRUCIBUS submit-
 teret collum. Et bene ad deterius fortunæ suæ dispendi-
 um CRUCES VESTRAS rejecit. In hoc enim Constantini
 signo, vicinus Heros toties, per audaces incursum, Bizanti-
 nis manibus, Lunæ inconstantiam triumphabas, & colora-
 to ad Crucem gladio, ultimam emissionem cruoris, mina-
 baris pallenti. Adhuc stagnant ad BARUM tabo hosti-
 um & inani sudore, adimpleta, soleæ tuæ vestigia, in qui-

Calcet L.
nam Tur-
cam. Vir-
solcata.

*Fugit ad
um, Scy-
s, ceditq;
cas.*
bus cœu speculo intuetur Poloniam fortitudinem Musur-
mannus præterequitans, & cadentibus pupillâ imbribus,
humum verberat; quod unius Poloni Scævolaæ manus;
integras Orientis phalanges profligaverit. Totum cre-
do Tyrâm in oculos transtulit profugiens Turcia, quod
prius pontem ex cadaveribus induceres Campis donec
Tyræ aditum referâsses. Non ex navibus ut quon-
dam Hellespontico freto Xerxes, sed ex gladiis mani-
busq; abscissis, pudibundo Istro compedes iniecisti. Co-
*illuditur
stemma
Namen.*ronata legionibus tuis nemora, quercinum DABROVÆ
TUÆ neētebant sertum, jam verò triumphalibus pennis
volitans super Orbem gloria, virides spargebat palmas,
& inter dulces oecentus, alterno cum fama choro, NO-
MEN VESTRUM ferebat. Ruebat sparsus in terras odor,
& militarium arcanorum putor, gratiorem, Demosthenis
*Semper
â Consi-
ducibus.*orc, exhalabat fidei tenacitatem. Nimirum Hephæ-
stionis Personam exardebas tulisse, nec alio extra so-
leam annulo, tuorum obsignabas Imperatorum strata-
gemata. Ita erectum à MAJORIBUS TUIS Arcum tri-
umphalem, militaribus ausis roborâsti in solea, ut nec mo-
dum hucusq; invenerit cogitatu facillimo Orbis poste-
rus, quo Vestram celsius promovisse valeret fortitudi-
nem.

Antequam nihilominus Palatini coronam Honorâ-
rii possideretis, prior intra Minervæ augustalia, evasit co-
ronata Sapientia. Ita enim victrices laureæ, Herôum
cingunt Capita, ut doctas etiam redimiant frontēs. In
ferro militiæ in fronte Sapientiæ crescunt adoreæ: nec
fæcundiùs ex cruore Martio, quàm erudito sudore in
messē surgunt. Pro juris Corpore Caput decertat in cu-
rta, & longiorem processum in litibus tandem excipit de-
cretorum coronis. Ut rixis capita abscindat Themis,
supplet quandoq; ferreus, diadema gladius, & loco verti-
cis coronat jugulum. Divisus in partes Orbis, illi o-
ptime quadrat Capiti, quod, quadrato intectum pileo, to-

tam exornat Sapientiæ amplitudinem, quin & pectus
Theologicum, ipso sole coronatur in Aquinate. Ne
dialecticos solum voveret in coronam circulos Aristo-
teles, Euripi etiam coronatus gurgite, Si multas nuper
pecudes coronavit antiquitas, quid non solis radii, diser-
tum Memnonem? Ipsa, illi, periodica circumductio, ser-
ti vices supplebit. Nec Poëmatibus, verticis insigne
deest, decem coronatorum millia, magis auream effe-
cere venam Ennii. Nescit videlicet sub Augusto, feriari ^{Vacatione}
eruditio, quamvis manum calamo in Polonia, nunquam ^{in Polonia}
tamen coronæ Caput amovet. ^{augusto} TUAM VERÒ INDOLEM, ^{mensē.}
ad arcem deliberantium, progenitam, quæ non perpo-
livit eruditio? Gentilitiis coronata soleis altiùs caput
extulit, quam poterat in Augusto optasse. Auro ipso;
ponderosius SOLEÆ VESTRÆ diadema accepit Pallas, ^{Coronati}
cui, ut semper eadem cum Bellona affinitas, sic constans ^{soleis Erud}
veneratio: manum hastis distinet, cordi imponit soleam ^{rio.}
vel capiti. Habet nimirum Polonus Orbis, quam gra-
to in Te veneretur poplite Sapiëntiam, in cuius toties
felicitatem publicam, armata à tui capitis armamenta-
rio deprompsisti Consilia.

Ubi enim domestico solutus otio, HOSIANUM
BRUNSBURGÆ salutasti Lyceum, usq; adeo doctioribus
studiis Minervæ Olympia emensus es: ut in novum con-
quisitæ eruditionis præmium, novam adjiceres diligen-
tiam. Indignum sane LOSSIANO ratus sanguine, si anti-
quum dignitatis valorem, posterorum prælia non adim-
plerent. Profundè nimis illud Tuæ infedit menti stu-
dium, ne ab ea literarum arena redires vacuus, ex qua
TUI MAJORES laureatum verticem extulerunt. Hinc
luculentum steterat rarioris solertiæ tuæ indicium, quàm
citra invidiosam animorum æmulationem; omnium saga-
citate ingenia, facilitate memorias, subtilitate acumina;
admirabili demum scribendi, loquendiq; modo, graviore
etiam quorumvis sensus prævertisti. Post decertata ad

Brunsbergensem Elidem certamina, ad caput Orbis Le-
chici, destinata scilicet SERENISSIMORUM REGUM inau-
gurationi, Cracoviam fecisti metaphoram, ut inclusæ, ca-
pitis tui nucleo, omnimodæ eruditionis Iliadi, alteram à
LOSSIANA SOLEA imponeret coronam Cracus: ubi
gratiola limatæ dictionis svadâ perpolitus vix in Te, du-
bios auditorum sensus transferebas pro rostris, cum
grandi semper animorum plausu auditus es, nec unquam
ex facunda acie discesisti nisi victor. Continuæ sedu-
latis exercitio, in tantum ditioni tuæ subiecisti eloquen-
tiam, ut annorum etiam gravitatem in Tui votum ingenii
pertraheres. Quicunq; dabat aurem Tullio, principa-
tum oris tui tenenti, teneram incusabat ætatem, quòd tam
vastæ capacitatem animi, tardiori passu ad publica nego-
tia expediret. Et jam sibi Auditor longiorem precabatur sa-
lutem, ut TE vel semel pro Comitibus Oratorem veteranâ
exciperet aure. Taceat popularis illè occentus lyræ,
ad quam, moles saxorum, uni semper hominum destina-
ta, usui, pertracta est? majus mihi invento Orphei, arti-
ficium est, animos posse hominum ad arbitrium liber-
tatis positos, eò admiranda virtute eloquentiæ deducere,
quò nec ipsa ire nolint, nec velle possint aliò. Talem
TU Gallicus intra Poloniam Hercules, aureæ dictionis
catenam, circumferebas in ore, & quemcunq; volebas,
sine arduo colligabas negotio. Ad primum svadæ
Tuæ sonitum, aurem aliis, tibi animum, reserabat audi-
torium, & cum pedibus, ibant ultrò manus in Tuam sen-
tentiam. Quodsi lugubris Comploratio, è monumen-
tis gloriæ reserabitur, nihil præter vivacem exinde sur-
get svadæ Tuæ triumphum. Scio lugubrem aliquorum
facundiam, alterâ supra sùî exiguitatem, compassione in-
digere: ita enim quandoq; imbecillo ab ore nascitur,
ut emortuâ veluti de sepulchro depromat verba, mayo-
ribus digna lacrymis quàm sepulta in Cineribus solatia.
Procul ab hoc offensionis lapide, Oratorium removisti
pedem,

pedem, ipso Cyneâ DISERTISSIME VLADISLAE. Quoties enim auream solvebas in stylum lingvam, ipsum pænè toties sepulchri marmor, fabuloso felicior Deucalione ad vitam memoriæ reducebas. Senatoriæ nuper pompæ, Regius Complorator, ita Regnatricem in throno oris tui, Eloquentiam referâsti, ut ad decorem solii, Te nemo congruentius perorâsse potuerit. Ne communi mortalitatis antro, supra communem, eluctatus, vitam, inferretur ILLUSTRISSIMUS MARIÆBURGI PALATINUS, IGNATIUS, Divæ memoriæ BAKOWSKI, tantum ab aurea svada, ponderosissimis alioquin virtutibus ejus, dedisti pondus, ut nobilissimorum Corona auditorum, suum illi pectus, in perenne amoris dedisset mausolæum. Nec alibi meritisimum de totâ Polonia Senatorem, tumulari decuit, quàm in cordibus Carissimorum Civium. Ultrò illi patebat aditus cùm viveret ad augustal amoris, quid non à morte etiam, perennitati & constantiæ in eodem recondideretur? Ingens ille semper habitus est, ex virtutis magnitudine, dum staret, sed non minor in casu, à TUA laude apparuit. Ita nimirum ejus Umbras illustrissimo serenâsti eloquio, ut concita ad dolorem Nobilitas, sua cum Palatino solatia, includeret urnæ, nisi vindiciis svadæ tuæ hilarata, omnem ex vultu, mæroris pul- lam exuit, quòd TE, suo honori superstitem, meliora ser- varent fata. Hos nimirum colligebat triumphos, Pala- tinis coronata soleis Eruditio, hos in tuo armorum spe- culo, SERENISSIMI JOANNIS CASIMIRI suspexit Aula, cùm indolem expoliret: ubi juvenilibus quantumvis in an- nis, nescivit lubricum, virtus soleata. Neq; enim sola, glaciem progignit hyems: In Aulis etiam hybernat, ubi solidior quandoq; succumbit virtus. Ad permistos, Ethesiis Aquilones, dulces concreescunt latices, ut per le- nocinia incédens pudor, faciliùs cespitet. Innatant si- renes cymbiis, & naufragium probitati occinunt. Non semel malum Ulysses sensit, cùm svavem Nympharum

Regia
Complora-
tor.

sonum per aures introduceret. Inter fusas, falerno mens-
 fas sæpè corrui mens sobria. Expeditæ in lufum chartæ,
 crebriorem virtutis casum numerant: ubi fides in me-
 dium ponitur, & absumptæ conscientiæ dispendium, in
 vim lucri refertur. Nec in aleis sine offensa incedit pro-
 bitas: à ludicris oslibus, parùm differt lubricum: à ma-
 nibus alea, à pectore projicitur virtus. Intra Ephebo-
 rum catervas, fovet etiam Antipodas Aula: nam &
 noctem Aulici in diem vertunt, nunquam scilicet magis
 insolentes, quàm ad umbras videntur: ne solem virtu-
 tum inspiciant, amicas vitiorum noctuas æmulantur, ut in-
 gratis vocibus, omnem à pectoribus proferbant hone-
 statem. In multo salientium numero, sæpiùs infringit
 pedem innocentia: nec modestioris animi comitas probro-
 siùs exploditur, quàm ubi pedes in choreis plaudunt. Si
 quando vitam Aulicam distinet venatio, prima Orci
 canibus, in prædam virtus jacitur: ab antris profiliunt
 feræ, à pectore virtus proscibitur. Sine satellitio, rarus
 est, qui intra Aulam nolit incedere: Principem cingit
 famulitium, famulos vitiorum caterva: Curvati popli-
 tes lævigant pavementum, ut in marmore adulabili pri-
 stinus labatur candor. VLADISLAI indolem, coronat oper-
 polivit exercitio, SERENISSIMI JOANNIS CASIMIRI REGIA,
 ad quam, nonnisi post multos virtutum gradus patebat
 aditus. Ingens erat fortunæ tuæ Generisq; auctora-
 mentum, quòd illius Principis coronares latus, cui totum
 in armis erat Imperium, in Consiliis prælium. Munita,
 ferro dextera, & Scepri quandoq; oblivisci debuit, ubi
 non aureum Regni pomum sed plumbeæ in hostem glan-
 des rotandæ fuerant. Hinc non aliâ implebat Aulam
 indole, nisi quæ per sagum ad togam adolesceret. Pu-
 blicarum rudimenta causarum, SECUNDUS TIBI solidabat
 JOANNES fortunabit TERTIUS. Illius throno, Parentum,
 meritis, hujus folio, tuarum commendatione virtutum,
 proximatus es. Promotæ ad Regiam pubertati, eò gra-
 tiùs

*Nescit Au-
 lubricum.
 virtus sole-
 a.*

tius plausum dedit Sarmatia, quò tuæ secunda gloriæ, ro-
boratam soleâ adoravit virtutem, ne ab alto fortunæ fa-
stigio in præcipitem daretur casum. Frustra tamen ju-
diciū Tui ex persona aliorum sumebat: ita enim exa-
ctam, celfo genere probitatem, REGIO credidisti æra-
rio, ut politis instructam moribus, efferres sine fūco sce-
lerum, locupletior. Ne quid stagnantibus cum aquis,
putidi haberes consortii, expeditam per Imperia move-
bas pennam, ut TE prius ex calamo, nationes legerent,
antequam ex vultu possent. Cum Legatis Principum,
libens Oratoriâ certabas svadâ, quodsi eorum abitus, lin-
gvæ subtrahebat exercitium, oculos erudiebas Authoribus,
reddebasq; consiliis Caput habile, quod ruborem purpu-
ræ, nunquam adfert in Curia, cum doctos sensus aperit per
suffragia. Hinc frequens TIBI, cum eruditis quibusq;
certamen erat, & vastissimas Authorum mentes, intra
unius, capacitatem ingenii comprehendebas. Liberali
impensus disciplinæ, ad eam demum vivendi consuetudi-
nem pervenisti, ut sine Minervæ manubiis nollēs unquam
incedere, quin numerosas perferres in Authoribus, per-
sonares in libris. Et verò, non dissonus itinerantium
comitatus, liber est. Rectius ad honesti metam non per-
venitur, quàm per Apellis lineam, nullo otio interruptam:
Sanè nulla Tuæ.

... - - sic impervia famæ
Successit Regio, quò non rumore Minervæ
Losinius penetraret Amor. - - -
Per Cunctos iit ille gradus.

Claudianus

Nam & Aulæ otia, doctioribus erudiisti impendiis &
quam intra Athenas Lechiæ rapuisti Minervam, intra
Aulæ desidiem, limatissimâ illustrasti soleâ, & ne facilis
offenderet in lubrico, firmiora ab ingenio iniecisti acumi-
na. Quia verò accepta ex incude solearum, functio,
procul rejicit longiora stativa, hinc ab Aula Jovis Le-
chici,

*Aurum in
soleis ad Ex-
teros, rota-
um.*

chici, ad Principum exterorum Atria, rotatae sunt. Ne
solus in Italiam, aurum volveret OSSOLINIUS, Tua etiam
ad consortium pertinebat solea: cum quo non equo-
rum duntaxat ungulas, sed imperia coronasti in agris pla-
teisq;. Tanti nimirum valoris est ferrum Lechicum,
ut terras etiam exterorum coronare valeat! Dederas
documentum Aufoniae, quam in fronte, exteris, sub pe-
dibus, Lechis, aurum recubet: nec quod gerunt Capita,
sed quod calcant ungulae, aurum est: credo simile nec
in Alpibus reperit Italia. Quod Gallico Herculi ab o-
re profluxerat, sarmaticis pallefcebat sub pedibus, quod
ille lingua, plantis, id potuere Sarmatae. Postquam Ro-
mam fertilem, Tyber reddidit, auream illi venam aperuit
Polonorum solea. Ne tumidior Pactolo India, Polo-
nam offunderet gloriam, etiam Polonus Istula, auream in
soleis, largo sinus arenam, rotavit. Iterum Saturni secu-
la redierunt a Polonis in Italiam; quam enim terrae gle-
bam calcant soleae, auream tulere messem. Ita nimi-
rum magni apud Principes exteros fuisti pretii, ut
in cordis ipsius acrio, aurum soleae Tuae videlicet so-
lertiae servaretur comitas. Vix Germanico illapsus Cae-
lo es? clariorem a solea TUA, quam a sole recepit
diem. Auctiores in Poloniam revexisti gratias, quam
olim SKARBKOVIVS. Aurum ille adjecit auro, TU ejus
annulo, gentilitiam addidisti soleam: pectus, ille obli-
gnavit sigillo, TU armis tuis in amorem Poloniae referasti.
Ad accensum soleae tuae fulgorem palluerunt, autumno,
Galliarum lilia, ne argentum illorum vilesceret, post-
quam aurum in armis tuis attulisti. Strata marmoribus
Appia, Lydius veluti lapis, aurum TUAE probabat SO-
LEAE, & quia celsum valoris gradum continebat, ultrò se,
illi, insternebat calcandam. Ita nimirum, totius Orbis
sphaeram, glorioso decurrit vestigio LOSSIORUM solea,
& quam magnis meritis cumulavit dignitatem, in thea-
trum Universi, pulchro rotavit ambitu.

Lustra-

Lustratis, illustratisq; generosa peregrinatione Im-
 perii, non prius cultam, probatis moribus, indolem re- *Erecta, i*
 duxisti in Patriam, donec rursus ILLUSTRISSIMÆ GENTIS *soleis, Lega*
 TUÆ SOLEAM, in triumphalem Regnorum portam ere- *tionum Por*
 xeris; Nempè futurarum benè augur legationum, ha-
 buisse volebas liberum ad imperia aditum. Sanè &
 Regnum cingunt alta mœnia, nemo illud subintrat, nisi
 cui ostium fortuna reseraverit. Hinc amplissima Sar-
 matici Regni negotia, nemo TE meliùs aliena introdu-
 xit ad Imperia: qui ne aditum, diuturnâ pulsares patien-
 tiâ, reseratam erectamq; habebas soleæ tuæ portam. Ape-
 rit limen equidem Luna Turcica, nimis tamen acuta gerit
 cornua, quæ subintrantem Legatum facilè confodiunt,
 Quodsi venerit ad fortunæ plenilunium, neminem ad suæ
 lucis consortium intromittit. Unicum id SOLEÆ TUÆ,
 ingenium est: quantumvis enim meritorum ad augem
 deducatur, ultrò tamen impleri honoribus non vult, ne
 recurrentem, publici privatiq; Boni necessitatem arceat
 ab introitu. Hinc & Sveticum ultrò TIBI reserasti adi-
 tum: erecto super muros Leoni, jugum soleæ imposi-
 turus, nisi vellet coronam accepisse ex illa. In ipso ex-
 nunc Legationis aditu, svavem TIBI pæana cecinit, quòd
 futuræ tranquillitatis conscius, amicia SOLEÆ TUÆ
 vestigia TECUM in Poloniam relegisse deberet: ultrò
 destitit affectasse Polonorum coronam, postquam sibi
 adferri ferream in Armis tuis senserat. Superbam in ma-
 ri Baltico demersit mentem, & damnatâ ad humiles cli-
 vos, majestâte sua, sublimioris volatum imperii, sar-
 maticæ concessit Aquilæ. Composito ad amorem Po- *A Lubo*
 lonorum, Leone, non frigidam LUBOMIRSCIANÆ SRZENIA *mirscio in*
 WÆ affudisti lætitiâ, cui in coronam Legatus redux, *Sveciam*
 TUAM inflexisti SOLEAM, ut per hunc solidissimi amoris *Legatus.*
 pontem, exterum cum Lechico conjungeres littus. E-
 xulem Regno concordiam, vix Polono restituissti deside-
 rio, & subitò numerosis ordinibus, per tuas solearum por-

tas, inferebant sese, permista Comitibus Tribunalia: ut, qui noveras salubrem in suffragiis animum ad arcem Consultantium introducere, exclusam simultatibus æquitatem ad meliorem judicii trutinam reassumeres. Nunquam diu stetisse ante Tuæ probitatis Tribunal, visa est causarum æquitas: ad primos etiam pulsus, ultrò illi patebat Curia, nec longis discuti mittebatur rationibus: nam legum veritas, ex primo etiam, apud probum judicem aspectu cognoscitur. Incorruptæ Areopagum virtutis obserabat severitas, ne quantumvis pectus ferreum, aureo expugnaretur a fello. Quoties verò ad Comitibus, liberos TIBI gradus sternebant Electorum suffragia, semper saluberrima consilia, SOLEÆ TUÆ vestigiis incedebant: nec aliter in commune bonum expediebatur felicitas, quàm per erectam, applausibus Collegarum, ejusdem SOLEÆ TUÆ portam. Nec extra virtutis gloriam, postquam enim merita, nobilissimi promoverunt calculi, honorem illis in præmium destinavit folium. Ut majori palato Regum accederes, munus Tibi oblatum Dapiferi. Postquam in Orbe Lechico, obsequia Tua porrexisti Regibus, in PŁOCENSI etiam, Serenissimam tractares mensam. Et quamvis ipsa merita, Generosam mentem nutriunt, sapidiùs tamen virtutis alimentum, Honor est. Quippè Heròum animæ, ad majora proculdubiò moventur ausa, si post arduas laborum victorias, liberalibus Cyri releventur conviviiis. Ut sapidiùs Ganymedis necitar redderes, omnia, compositis ad gustum moribus, condiebas fercula: Dignus sanè Lechici Jovis mensa, quæ tam placido nutriebatur ministerio. Illigantur pleriq; mensis Principum, ut relicto, post absumptam aliorum vitam, dignitatis fragmento potiantur. Nolebas TU, alienis mortibus, mentem tuam neutiquam titulorum avidam saturare, qui non aurum ad mensam Regiam, sed merita multiplicabas: quanquam & in aurum mutasse tuam volebas promptitudinem, si fortuna Tibi, Midæ

manus

*Semper ad
Comitia
Tuntius, ad
tribunalia
index De-
utatus.*

*Dapifer
PŁocensis.*

manus aptasset ad vitam omnium non ad mortem nutriendam. Quia verò difficilius honores incipiunt quam crescunt; planiorem Tibi proinde viam ad CASTELLANI CULMENSIS culmen, Regiæ strauere mensæ. Quam, ILLUSTRISSIMÆ DZIALYNÆ GENTIS SAGITTA, glorioso cursu, metam attingit, aberrare ab ea, LOSSIORUM non potuit. Culmam illi despondit annulus, Tibi circulus soleæ, ut vicinus stemmati, sic honori remotus esse non debuisti. Eluctatus ad Culmen gloriæ, non ut casu grauiore rueres: nam passus meritorum, benè solidat virtus soleata: altitudo Prusiæ coronanda fuerat Tuæ Soleæ celsitudine.

*Castellani
Culmensis I
lustrissimus
Dzialynski*

Non sic tamen ad culmen Trabeati Honoris CASTELLANUS venisti, ut violento cursu, Personam tuam requirantibus titulis sepies aditum. Generis Honorisq; thesaurum recondidisse tantisper Prusiæ ærarium debuit, donec manum pro tota Polonia laborantem, totius clavis Poloniæ, in concredito custodiret ærario. Aurum etiam in benè meritos à tua manu profluat, quæ tam longo bellorum tractu in hostem rotabat gladios. Seruabas intra clauem frameæ, integerrimum Regni tui honorem, quid non ejus fortunam, intra fidem auream? Extra sigillum Tuæ soleæ, nullibi Poloniæ felicitatis depositum reponeretur securius! Quanquam & solea nummorum auget pretium: quin & teretem pecuniarum figuram sustinet, ut rotatione celeri, dexterrima scilicet LOSSIORUM agilitate, bellicum exsoluat stipendium. Nec facili volubilitate manum tuam, nummi deserent: antequam enim volventur ab ærario, viam illis ad benè meritos reserabit solea, & passus singulos, Crucium cohibebit uncinis, ne ad Aulas ignavorum declinent. Hinc consultò rejecit integritatem orbitæ, ne celerius festinando, tardior in domo Desidum, inueniret laudationem. Pretiosissimo, fidelitate, THESAURARIO, Altum rursus PALATINI HONORIS depositum, ad manus è throno venit, JOANNIS TER-

*Thesau-
rarius To-
rarum Prus-
sæ.*

*Palatinus
Pomerania.*

TII REGIS SÈRENISSIMI: ne effosis duntaxat auri montibus, Reipublicæ ditares penum, POMERANÆ etiam BALTHIDOS, sub tuam fidem & clavem, deduxisti arenam, Lydio cariorem Pactolo. Devolutus igitur ad Aulam tuam, post absorptum præliari Cataclysmo DONHOFFIUM, POMERANIÆ PALATINUS murex est, & pallentem ex acerrimo luctu, Nobilitatis faciem, lætioribus depinxit coloribus. Et jam Baltico admovisti mari Palatinus soleam, non alio judicarem fine, quàm ut, procul remotis à casu, Civibus, grandia PERSONÆ TUÆ merita ultrà marinas etiam Regiones deportaret. Sed quia fluxa est NEPTUNI Appia, gravitatem soleæ non sustinet, hinc quò TUA SOLEA pervenire non potest, illuc excubans pro armis penna provolabit. Ita scilicet ILLUSTRISSIMÆ GENTIS TUÆ SOLEA, & solum calcat sine casu, & in altum sine metu penna evolat; ut & terris festinet honor & merita pennis in àerem sublimata, toti pateant ex alto, Orbi. Quanquam delatus ILLUSTRISSIMÆ PERSONÆ TUÆ HONOR arctior Aulam tuam ingressus est, quàm merita postulârunt. Totâ quamvis commearent Poloniâ, dignitatum honoraria, tuorum tamen vestigia meritorum non adimplerent. Ita enim magnis, Capitolium GLORIÆ TUÆ, ampliâsti virtutibus, ut singulæ, tantis, quos hodie geris, vix benè compensarentur titulis. Quare ad mare Balticum, Palatina TIBI in præmium, collata Provincia est, quia pro immensâ meritorum amplitudine, & terrâ & mari festinare ad AULAM TUAM debent tituli. Hinc nulla in Te meritorum Brevia suspexit Argus solii. Ad Altum Balthidos, PALATINUS audiisti POMERANIÆ, ut profundo titulorum, profunditas obsequiorum mensuraretur. Breves esse non diffiteor aliquorum titulos: nam & merita, quibus honor innatat, brevem sæpenuerò profundunt rivum. At verò LOSSIORUM è Domo, profundus semper meritorum Oceanus in Regnum profluit, hinc Alto PERSONÆ TUÆ,
Altum

Altum Pomerani honoris illapsus est. Nec mirum
 Oratoris calamo! si ex Regio directus folio, DOMUM
 TUAM poposcit supplex. Nemini credo potuit felicita-
 tem Pomeraniæ securiùs commisisse, quàm TUÆ SOLEÆ,
 quæ totiùs non semel integritatem P oloniæ, in Comitiiis
 sine casu, in bello sine vulnere, in iudicio sine respectu su-
 stentavit. Rotata est, ingentibus meritis, in usus Patriæ.
 Ne enim tardiori passu in suppetias præliorum volvere-
 tur, rotunditatem illi induxisti. Noluisti solidissimam
 GENTIS TUÆ gloriam, instabili fortunæ rotæ credidisse,
 firmiùs dignitatem Palatinam devexisse non poteras per
 Orbem Lechicum, quàm ferreâ SOLEÆ TUÆ Orbitâ.
 Nec fatorum agnosceret lubricum: ternæ enim Cruces,
 quibus TUAM circumdas SOLEAM, acres dabunt honori
 uncas, quibus & intra Aulam vestram detineatur incola,
 & nullos cespitet soleatus in annos. Et quidni cespitet?
 ubi nomen ipsum solearum loquitur, quàm ex ipsa meri-
 torum soliditate, elaboratæ sint. Ferream ex bellico cha-
 lybe procudit Mars, perpolivit Gloria, ut infundatam
 Pomerani Ducatûs Majestatem, armatis semper præliis
 & consiliis succollet & consolidet. Nec solam solidita-
 tem à SOLEA, Palatinus deducit Honor, triumphalem
 etiam Coronam reperit. Pridem stemmatis Tui Circu-
 lus, amplissima in Tuo capite decoravit merita, Polo-
 numq; edocuit Orbem, quàm in DOMO LOSSINIA, auro
 pretiosius ferrum est: nec à pedibus duntaxat offendi-
 cula arcent soleæ, sed etiam in coronis Senatorium exor-
 nant caput. Adoravit non semel Polonia Civicam in GEN-
 TIS VESTRÆ SOLEA, postquam integritatem Civium, so-
 leatis, hoc est, solidissimis coronaretis Consiliis. Hinc ne
 Honor etiam Pomeraniæ sine coronis esset, TUAM illi SO-
 LEAM credidisti. Quia verò cum aquilis, victorem in
 AULA TUA, Chiliarcham reperit, ideo triumphalem illi
 Arcum, ejusdem in ferro SOLEAE erexisti. Quod si no-
 men & viciniam à sole deducit solea, quid non illustres


*Ad Solearum Insigni-
alluduntur.*

*In Coronas
etiam refini-
guntur soleæ.*

radios, Palatinum resperget in subsellium? Pridem illa,
 trabeatae dignitatis solem, intra suam circumfert sphaeram;
 & continuis sine mentis taedio, perpolitur usibus, ut indu-
 ctam Polono Caelo serenitatem, majoribus gloriae incre-
 mentis accendat. Nec à Regum solio, longo tractu dis-
 fidet LOSSIORUM SOLEA, semper in consiliis Senatorum,
 thronum solidat, ne titubet Majestas Sceptri. Et jam pro-
 fectò sparsum collegit nuper à solio solem, cum Palatino
 indutus laticlavio VLADISLAUS, ad gloriam MAGNI NO-
 MINIS virtutisq; inter PATRES PATRIAE refulsisset. Post-
 quam Regum capita, soleatis curulibus Culmae firmave-
 rat, ad ipsum tandem pectus debuit altiori subsellio acces-
 sisse. Nec portum honoris habet, quamvis ad littus
 Balticum constiterit virtus soleata. Ibis SENATOR IL-
 LUSTRISSIME, ex Prussiae Ducatu Magno, ad suprema
 Lechici Regni fastigia. Nondum perfectus est (licet
 omnem meritorum inclusit Arithmeticam) SOLEAE
 TUAE circulus: hinc ad augem Gloriae, tamdiu felicissi-
 mo incremento volvetur, donec totum fortunae comple-
 verit Orbem. Patet ostium non reductae in circum so-
 leae, ut commodius subintret AULAM DIGNITAS, ex qua
 toties, numerosas in obsequiis legiones, ad suppetias Pa-
 triae expeditisti. His proinde ARMORUM TUORUM po-
 stibus, in pulchro Honoris Palatini ingressu, Oratorios
 gratæ mentis applausus introducimus: ne autem tenuis
 svadæ nostræ apparatus, ad decorem minus, in amplis-
 sima, SOLEATÆ VIRTUTIS Appia videatur, dabit illi ma-
 gnitudinem, dexterrima PERSONÆ TUÆ affabilitas.
 Ubi verò ad ARCEM TUAM, intromissus, Principem possi-
 debit gratiam, non aliā profundet TIBI pennā, panc-
 gyrim, nisi Tuæ, Te annuente, detractā, Alæ. Ab Alto,
 POMERANÆ BALTHIDIS, ad Alta TECUM provo-
 labit Honoraria, & distentam Gloriae Tuæ
 pupillam, ad legendam diriget

SOLEATÆ VIRTUTIS

APPIAM.



L. XXII. 19

ge